

MATAIO AO IOANE
AO
I-EBETO.



Dup.

Micronesian

of the Islands.

TE
E U A Ñ K E R I O

ARE KOREAKI IROUNI

MATAIO,

AE KAETAKI MAN

T A E T A E N E R E N E .

NU IOKI:

E BORETIAKI IROUN TE KORAKI N AMERIKA AE TANI KABUTA
AON ABA NI BAIBARA,

ARE MOA NI KARIKAKI N TE RIRIKI ARE MDCCCXVI.

1866.

MATAIO.

MAKORONA I.

БОКІ n araia ana bakatibu Iesu Kristo, are natin Tawita, are natin Aberaam.

2 E karika Itaaka Aberaam; ao Itaaka, e karika Iakoba; ao Iakoba, e karika Iuta ma tarina nako;

3 Ao Iuta, e karika Baretā ao Tara iroun nei Tamara; ao Baretā, e karika Eterom; ao Eterom, e karika Aram;

4 Ao Aram, e karika Aminataba; ao Aminataba, e karika Naaton; ao Naaton, e karika Taremon;

5 Ao Taremon, e karika Boota iroun nei Rakaba; ao Boota, e karika Obeta iroun nei Ruta; ao Obeta, e karika Iete;

6 Ao Iete, e karika Tawita are te uea; ao Tawita are te uea, e karika Toromon irouni bun Ūria;

7 Ao Toromon, e karika Roboam; ao Roboam, e karika Abia; ao Abia, e karika Ata;

8 Ao Ata, e karika Iotabata; ao Iotabata, e karika Ioram; ao Ioram, e karika Otia;

9 Ao Otia, e karika Ioatam; ao Ioatam, e karika Akata; ao Akata, e karika Etekia;

10 Ao Etekia, e karika Manate; ao Manate, e karika Amon; ao Amon, e karika Iotia;

11 Ao Iotia, e karika Iekonia ma tarina nako, nke a babatiaki nako Baburon;

12 Ao i mwin te uotaki nako Baburon, ao Iekonia, e karika Tara-

tiera; ao Taratiera, e karika Torobabera;

13 Ao Torobabera, e karika Abiuta; ao Abiuta, e karika Eriakim; ao Eriakim, e karika Atora;

14 Ao Atora, e karika Tatoka; ao Tatoka, e karika Akim; ao Akim, e karika Eriuta;

15 Ao Eriuta, e karika Ereatara; ao Ereatara, e karika Matan; ao Matan, e karika Iakoba;

16 Ao Iakoba, e karika Ioteba are bun nei Maria, are buñiaki Iesu irouna, are atonaki ba te Metia.

17 Ma ñaia aei, roro ni kabane mai mwin Aberaam ao tokina Tawita teñauni ma a-roro; ao mai mwin Tawita ao tokina te babatiaki nako Baburon teñauni ma a-roro; ao mai mwin te babatiaki nako Baburon ao tokina Iesu teñauni ma a-roro.

18 Aio aroni buñiakin Iesu Kristo; nke e inaki tinana are nei Maria nakon Ioteba, nke a tuai ni bo, ao e ataki ba e bikoukou iroun te Tamnei are Raoiroi.

19 Ma e atataiaomata Ioteba are buna, ao e aki kani kamamaea ni kaotia, ma ñaia are e kani kana-koa ni karaba.

20 Ao nke e iañoi baikai, ao noria, e kaoti ana anera te Atua nako ina n te mi, ao e kañai, Ioteba, natin Tawita, tai maku n ana Maria are bum: ba e riki are i nanona iroun te Tamnei are Raoiroi.

21 Ao ane e na buñia te nati te mane, ao ko na atoña arana ba IESU; ba ane e na kamaiuia ana aomata man aia buakaka.

22 Ao a roko baikai ni kabane, ba e na kakoauaki ana taeka te Atua iroun te burabeti, ñke e kañai,

23 Noria, ane e na bikoukou te kibono, ao e na buñia te nati te mane, ao e na atoñaki arana ba Emanuera, ai aron ae Te Atua iroua.

24 Ao Ioteba, ñke e uti ni matu, ao e karaoa are e tuaña ana anera te Atua, ao e ana buna:

25 Ao e aki bo ma ñaia ñke e tuai ni buñia ana karimoa te mane: ao e atoña arana ba IESU.

MAKORONA II.

Ao ñke e buñiaki Iesu i Bete-reem i Iutaia n ana boñ Erote are te uea, ao noria, a roko aomata aika rabakau i Ierutarem mai mainiku,

2 Ao a taku, E ña teuare buñiaki ba aia uea kain Iutaia? ba ti nora ana toitoi i mainiku, ao ti nako mai, ba ti na taromauria.

3 Ao ñke e oño Erote are te uea, ao e maku, ao Ierutarem ni kabanea ma ñaia.

4 Ao ñke e botia iboña ake a kakanato ni kabaneia ma aia tia koroboki aomata, ao e titirakinia ba e na buñiaki ia Kristo.

5 Ao a taku nako ina, I Bete-reem i Iutaia: ba e korobokiaki ni kañai iroun te burabeti,

6 Ao ñkoe Bete-reem ae aban Iuta, ko aki mañori riki nakoia uean Iuta; ba e na nako mairoum te Uea are na kawakinia au aomata ake Iteraera.

7 Ao Erote, ñke e botia uake a rabakau ni karabaia, ao e nenera toitoi irouia ba e kaoti niñai.

8 Ao e kanakoia nako Bete-

reem, ao e taku, Kam na nako ni kabotumakainkani n ukoukora te tei; ao ñkana kam kunea, ao kam na tuañai, ba N na nako n taromauria.

9 Ao ñke a oño ana taeka te uea, ao a nako; ao noria, e ri moaia toitoi are a noria i mainiku, ao e nako n tei i aon ikeke e mena iai te tei.

10 Ao ñke a nora toitoi, ao a bati kimareirei'a.

11 Ao ñke a rin n te bata, ao a nora te merimeri ma nei Maria are tinana, ao a bobaraki n taromauria: ao a kauki aia kumete, n añana bai, are te kora, ma te ribano, ma te mura.

12 Ao ñke a tuañaki n te mi iroun te Atua ba a na'ki oki nakon Erote, ao a okira abaia n te kawai teuana.

13 ¶ Ao ñke a nako, ao noria, e kaoti ana anera te Atua nakon Ioteba n te mi, ao e taku, Uti, ao kaira te merimeri ma tinana ni biri nako Aikubita, ao mena iai ni karokoai ba N na tuaño: ba ane e na ukoukora te merimeri Erote ba e na kamatea.

14 Ao e uti, ao e kaira te merimeri ma tinana e boñ, ao e nako Aikubita:

15 Ao e mena iai ni karokoia maten Erote: ba e na kakoauaki are e atoña te Atua iroun te burabeti, ñke e taku, I wetea natu mai Aikubita.

16 Ao Erote, ñke e atai'a uake a rabakau ba e mamananaki irouia, ao e bati un'a, ao e kanaanako ni kamatea ataei ni mane ni kabaneia ake a mena i Bete-reem, ao i aon te aba ni kabanea are i ririkina, akeke kakauoua aia ririki ao ake ataei riki, ni kaetia n te boñ are e neneria irouia uake a rabakau.

17 Ao e kakoauaki iai are ato-

ñaki iroun Ieremia are te burabeti, ñke e taku,

18 E oño te aba te bana i Rama, are te tañiniwenei, ao te tañ, ao te baebaeti ae bati, ba nei Rakera ñke e kume n tañiri'a natina, ao e rawa ni katokaki tañina, ba akea natina.

19 Ao ñke e mate Erote, ao noria, e kaoti ana anera te Atua n te mi nakon Ioteba i Aikubita,

20 Ao e taku, Uti, ao kaira te merimeri ma tinana, n nako aban Iteraera: ba a mate ake a ukoukora te merimeri ba a na kamatea.

21 Ao ñaia e uti, ao e kaira te merimeri ma tinana, n nako aban Iteraera.

22 Ao ñke e oño ba e uea Arekerau i Iutaia n rua mwin Erote are tamana, ao e maku n nako iai: ma ñke e tuañaki n te mi iroun te Atua, ao e nako n te aba are Kariraia:

23 Ao ñke e roko, ao e maeka n te kawa are arana Natareta: ba e na kakoauaki are atoñaki irouia burabeti, ba e na aranaki teuarei ba te Natarene.

MAKORONA III.

Ni boñ akekei e roko Ioane are te Tia babetito, n reirei n re-reuan Iutaia,

2 Ao e taku, Kam na rairi nanomi: ba e a kan roko uean te Atua.

3 Ba boni ñaia are taekinaki iroun Itaia are te burabeti, ñke e taku, Banan temana ae takarua n te rereua ni hañai, Kam na katauraoa kawain Iehova, kaeti kawaina nako.

4 Ao Ioane arei, e kunikaia ni buraen te kamero, ao e kabaea nukana n ana ro ae te kau; ao kanana te take ao meri ni buakonikai.

5 Ao a nako ina I-Ierutarem, ma I-Iutaia ni kabaneia, ma kain aon te aba ni kabanea are i rari-kin Ioretan,

6 Ao a babetitoaki i Ioretan irouna, ñke a kaoti aia buakaka.

7 Ao ñke e nori'a Baritaio ma Tatukaio aika bati ba a nako n ana babetito, ao e taku nako ia, Bunia baiba ñkami, antai ae tuañkami ba kam na biri nako man te un are kan roko?

8 Ma ñaia ae kam na karika uan rairan nanomi:

9 Ao tai taku i nanomi ni kañai, Aberaam tamara: ba I taku nako imi, ba e kona te Atua ni kariki'a natin Aberaam n atibu aikai.

10 Ao e kakiaki te añara i rari-kini wakani kai ñkai: ao te kai ane aki karika uana ae raoiroi, ao e koreaki, ao e teweaki nako n te ai.

11 Ñai I boni babetitoiñkami n te ran nakon rairan nanomi: ma e korakora riki nako iu teuare ri mwiu, ae I aki riai ba N na uoti ana kau: e na babetitoiñkami n te Tamnei are Raoiroi, ao n te ai:

12 Ana iriba i baina, ao e na iakina ana bwia, ao e na ikoti uan ana baraua nakon nen ana baraua; ao e na kabuoka kunna n te ai are aki mamate.

13 ¶ Ao e nako Iesu mai Kari-raia nako Ioretan nakon Ioane, ba e na babetitoaki irouna.

14 Ma e tukia Ioane, ao e taku, E riai ba N na babetitoaki iroum, ao ko nako iu?

15 Ao Iesu e kaeka ni kañai, Tai tukai ñkai: ba e riai ba ti na karaoa te raoiroi ni kabanea n te aro aci. Ao ñaia e aki tukia iai.

16 Ao Iesu, ñke e babetitoaki, ao e waerake naba man te ran: ao akea ba e kaukaki karawa

nako ina, ao e nora Tamnein te Atua ba e ruo n ai aron te taobe, ao e roko i aona :

17 Ao noria, te bana mai karawa, ae kañai, Natu ae tañiraki aei, ae I kakatoña irouna.

MAKORONA IV.

Ao e kairaki Iesu iroun te Tamnei nakon te rereua ba e na kaririaki iroun te riaboro.

2 Ao e aki mamatam añaun te ñaina ao añaun te boñ, ao rimwi e baki.

3 Ao e kawaria te tia kariri, ao e taku, Ñkana tao Natin te Atua ñkoe, ao ko na tua ba a na riki ni berena atibu aikai.

4 Ao e kaeka ni kañai, E korobokiaki, E aki maiu te aomata n ti te berena, ma e maiu ni bai ni kabane aika nako mai win te Atua.

5 Ao e kairia te riaboro nakon te kawa n taromaui, ao e katoka i aon taubukini maneaban te Atua,

6 Ao e taku nako ina, Ñkana tao Natin te Atua ñkoe, ao ko na ewe nako : ba e korobokiaki, E na tuañia ana anera ñkoe, ba a na tabekiko ni bai'a ba e kawa n toki waem n te atibu.

7 E taku Iesu nako ina, E a maña korobokiaki, Tai kata Iehova are Atuam.

8 Ao e a maña kairia te riaboro nakon te mauña ae moan te riteta, ao e kaoti aba ni kabane nako ina ma tamaroai.

9 Ao e taku nako ina, I aña-niko baikai ni kabane ñkana ko bobaraki n taromaui.

10 Ao e taku Iesu nako ina, Nako aku, Tatan ; ba e korobokiaki, Ko na taromaui Iehova are Atuam, ao ko na toro irouna n ti ñaia.

11 Ao te riaboro, e kitana iai, ao noria, a roko anera n akoia.

12 ¶ Ao ñke e oño Iesu ba e kaikiaki Ioane n te bata ni kaikain, ao e nako Kariraia ;

13 Ao ñke e kitana Natareta, ao e nako ni maeka i Kaberenaum, are i rarikin te nama, i aban Taburon ma Nabetari :

14 Ba e na kakoauaki are atoñaki iroun Itaia are te burabeti, ñke e kañai,

15 Aban Taburon, ao aban Nabetari, ake i rarikin te nama, i maikoana Ioretan, Kariraia, are abaia Bekan ;

16 A nora te ota ae ababaki aomata ake a tekateka ike'ro ; ao e kaoti te ota nakoia ake a tekateka i aban te mate ao i nuna.

17 Ao i mwini boñ akekei e moa n reirei Iesu, ao e taku, Kam na rairi nanomi : ba e a kan roko uean te Atua.

18 ¶ Ao e nakonako i rarikin nama ni Kariraia, ao e nori'a tari-mane aika uoman, are Timon are atoñaki ba Betero, ao Anterea are tarina, ñke a kabaka te karaun n te nama ; ba tan akawa.

19 Ao e taku nako ia, Mai ri mwiu, ao N na karaoiñkami ba tan akawa aika aomata konami.

20 Ao a kitan naba karaun, ao a iria.

21 Ao e nako maiiai, ao e a maña nori'a tari-mane aika uoman riki, are Iakobo are natin Tebetaio, ma Ioane are tarina, n te boti ma Tebetaio are tamaia, ba a maña karaoi aia karaun ; ao e wetei'a.

22 Ao a kitana naba te boti ma tamaia, ao a iria.

23 Ao Iesu, e kabuta Kariraia n reirei ni bataia nako n taromaui, ao e tua euañkerion ueana, ao e katoki aoraki ni kabane, ao mamara ni kabane i buakoia aomata.

24 Ao e taona Turia rohorohona ni kabuta: ao a bane n uotaki nako ina aomata aika aoraki n aoraki nako ma ni maraki, ao akana a taniaki nanoia n taimonio, ao akana rañ, ao akana nakibaina; ao e kamaiuia.

25 Ao a iria aomata aika uanao mai Kariraia, ao i Tekabori, ao i Ierutarem, ao i Iutaia, ao mai tainimainikun Ioretan.

MAKORONA V.

Ao ñke e nori'a aomata aika uanao, ao e ararake n te mauña; ao e tekateka, ao a nako ina ana reirei:

2 Ao e kaurea wina, ao e reirei'a, ni kañai,

3 A kabaia akana nanorinano; ba aiabai uean te Atua.

4 A kabaia akana nanokawaki; ba a na katokaki nanokawaki'a.

5 A kabaia akana nimamanei; ba a na abana te aba.

6 A kabaia akana barua te raoiroi, ao a kanimoï iai; ba a na ñae.

7 A kabaia akana atataiaomata; ba a na atataiaomataki.

8 A kabaia akana a itiaki nanoia: ba a na nora te Atua.

9 A kabaia tan raoi: ba a na atoñaki ba natin te Atua.

10 A kabaia akana bainikirinaki i bukin te raoiroi: ba aiabai uean te Atua.

11 Kam a kabaia, ñkana a taetaebuakainkami aomata, ao ñkana a bainikiriniñkami, ao a atoña te taetae ae buakaka ni kabanea, n uaraoiñkami, i buku.

12 Kam na kakatoña, ao kima-reirei; ba a bati ami bai i karawa: ba ai aron naba bainikirinaia burabeti ake i maimi irouia.

13 Tarin te aba ñkami: ma ñkana e a mauna tarina, ao e na tarinaki n tera? akea uani mwina,

ma ti te teweaki nako, ao te toubekaki irouia aomata.

14 Otan te aba ñkami. E aki konaki ni karabaki te kawa ñkana e mena i aon te mauña.

15 Ao a'ki kaura te bae aomata, ni kaki i an te baketi, ma a kaki i aoni nena; ao e ura nakoia aomata ni kabaneia ake n te bata.

16 Kam na kaoti ami ota n ai arona i mataia aomata, ba a na nori ami makuri aika raoiroi, ao a na neboa Tamami are i karawa iai.

17 Tai taku i nanomi ba I roko ba N na kaki te tua ma burabeti: I aki roko ba N na kaki, ma I roko ba N na kakoaua.

18 Ba e koaua au taeka nako imi, ba ñkai e tuai ni mauna karawa ma te aba, ao e bon aki mauna te taurouro teuana ke te tamruru teuana man ana taeka te Atua, ñkai a tuai n roko bai ni kabane.

19 Ma ñaia aei, ane ri aon te taeka teuana ae maraurau riki i buakon taeka aikai, ao e reirei'a aomata te aro aei, ao e na atoñaki iai ba e mañori riki n uean te Atua: ma ane tou mwin taeka aikai n reirei'a aomata iai, ao e na atoñaki ba e kakanato n uean te Atua.

20 Ba I taku nako imi, Ñkana e aki maiti riki raoiroimi nakon raoiroi'a tani koroboki ma Bari-taio, ao kam aki rin n uean te Atua.

21 Kam akaman oño ba e atoñaki irouia ake ñkonoa, Tai kamatea te aomata ñkoe; ba ane kamatea te aomata ao e anaña ni kabuakakaki n te botaki ni motiki taeka:

22 Ao ñai I taku nako imi, Ba ane un nakon tarina ñkana akea te bai ni kaunaki, ao e anaña ni kabuakakaki n te botaki ni

motiki taeka : ao ane kañai nakon tarina, Ko baba, ao e anaña ni kabuakakaki n te Tanirim : ao ane kañai, Ko rañ, ao e anaña ni kabuakakaki nakon te ai are i Keena.

23 Ma ñaia aei, ñkana ko uota am karea nakon te bao ni karea, ao ñkana tao ko urina tarim iai, ba e kanaen iroum ;

24 Ao ko na kitana am karea iai i rarikin te bao ni karea ; nako moa, raoiakina tarim, ao rimwi ko na nako n aña am karea.

25 Ko na bareiko n raoiakina am kairiribai, ñkai ko mena n te kawai ma ñaia ; ba e kawa n aña ñkoe te kairiribai nakon te tia motiki-taeka, ao e kawa n aña ñkoe te tia motiki-taeka nakon te tia kabaebae ao ko kawa ni kakiaki i nanon te bata ni kairikain.

26 E koaua au taeka nako im, ba ko na'ki oti nako maiiai, ñkana ko tuai n aña te bariñ are kakoroan ana bai.

27 Kam akaman oño ba e atoñaki irouia ake ñkoañkoa, Tai wene ni buakaka ñkoe :

28 Ao ñai I taku nako imi, Ba ane taratara te aine ba e na kaitatan nako ina, ao e a tia ni wene ni buakaka irouna i nanona.

29 Ao ñkana tao e kabakako nakon te buakaka matam ane mai ataim, ao ko na autia, ao tewea nako mairoum : ba ko a tau ñkana e uruaki bain rabatam teuana n aki teweaki nako rabatam ni kabaneaki nako Keena.

30 Ao ñkana tao e kabakako nakon te buakaka ataim, ao ko na koroia, ao tewea nako mairoum : ba ko a tau ñkana e uruaki bain rabatam teuana, n aki teweaki nako rabatam ni kabaneaki nako Keena.

31 E akaman atoñaki, Ba ane

kanakoa buna, ao ke'añana te boki ni kananako :

32 Ao ñai I taku nako imi, Ba ane kaki buna, ñkana e tuai ni wene ni buakaka, ao ana kawene ni buakaka teuane neierei : ao ane ieini ma neiere kakiaki, ao e wene ni buakaka.

33 Kam akaman oño naba ba e atoñaki irouia ake ñkoañkoa, Tai kewe ñkana ko karerea te Atua nako im, ma ko na añan te Atua am bai ake ko karerea nako im iai.

34 Ao ñai I taku nako imi, Tai karerea te bai teuana ñkana ko kakooua am taeka ; ao tai karerea karawa ; ba baon te Atua :

35 Ao aon te aba ; ba neni wae-na : ao Ierutarem ; ba ana kawa te Uea are kakanato.

36 Aa tai karerea atum, ba ko aki kona te iranatu teaina ni kaimainaina ke ni karoroa.

37 Ma e na kañai ami taeka, Eñ, eñ ; Tiaki, tiaki : ma ane maiti nakon aikai, ao e riki man te buakaka.

38 Kam akaman oño ba e atoñaki, Te mata iokin te mata, ao te wi iokin te wi :

39 Ao ñai I taku nako imi, Tai kaboa te buakaka ñkami : ma ane boiko i aon tabam ane mai ataim, ao ko na raira tabam ane teuana nako ina.

40 Ao ane kan tuaña te tia motika-taeka ñkoe, ba e na taua am kabaraki, ao ko na maña añana naba niniram.

41 Ao ane kairoroko ba ko na iria teuana te maire, ao ko na iri ma ñaia uoua.

42 Ane butiko, ao ko na añana, ao ane kan tañoa am bai, ao tai tan nako mairouna.

43 Kam akaman oño ba e atoñaki, Ko na akoa raom, ao riba am kairiribai.

44 Ma I taku nako imi, Kam na akoi'a ami kairiribai, ao taetae raoi nakoia akana karecanti nako imi, ao karaoa ae raoiroi nakoia akana ribainkani, ao tataro i buki'a akana bukininikani, ao akana bainikirininikani.

45 Ba kam na riki n natin Tamami are i karawa : ba e kaota ana tai i aoia akana buakaka, ao akana raoiroi, ao e kabaka te karau i aoia akana atataiaomata, ao akana babakanikawai.

46 Ba nkana kam akoi'a akana akoinikani, ao tera ami bai iai? tiaki a karaoa aei naba tan ikoi-koti ana mane te uea?

47 Ao nkana kam ina nakoia ti tarimi, ao tera'e kam karaoia riki? tiaki a karaoa aei naba bekan?

48 Ma naia ae kam na moa n raoiroi, n ai aron Tamami are i karawa nkai moan te raoiroi.

MAKORONA VI.

KAM na taratarainikani, ba kam na'ki ana ami bai n tituaraoi i mataia aomata ni kan noraki iro-ua ; ba nkana tiaki aromi ane, ao akea ami bai iroun Tamami are i karawa.

2 Ma naia aei, nkana ko ana am bai n tituaraoi, ao ko na tai kaitaia te bu i maim n ai aroia tani mamana-te-aba, nkai a ana bai, ni maneaba ao kawai, ba a aoiani kamaoamoaki iai irovia aomata : e koaua au taeka nako imi, ba a ananaki aia bai.

3 Ma nkana ko ana bai, ao ke' taiata ana makuri ataim mainim ;

4 Ba e aoian raba am ana bai ; ao e na ananiko am bai, ni kaotia, Tamam ae nora ae raba.

5 ¶ Ao nkana ko tataro, ao tai kakairi irovia tani mamana-te-aba ; ba a kan tataro n tei ni maneaba ao i tutani kawai, ba a

aoian noraki irovia aomata : e koaua au taeka nako imi, ba a ananaki aia bai.

6 Ao nkoe, nkana ko tataro, ao ko na rin n am ru, ao nkana ko a tia ni bonota am mataroa, ao ko na tataro nakon Tamam ae raba ; ao e na ananiko am bai, ni kaotia, Tamam ae nora ae raba.

7 Ao nkana kam tataro, ao tai barantiko n ai aroia bekan : ba a taku i nanaia ba e oio te aba irovia n aia taeka nkai e bati.

8 Tai kakairi irovia : ba e atai baika riai ba kam na ananaki Tamami, nkana kam tuai ni butia.

9 Ma naia ae kam na tataro ni kanai ; Tamara are i karawa, e na tabuaki aram.

10 E na roko ueam : E na tauaki am taeka i aon te aba, n ai aron tauana i karawa.

11 Ko na ananira karara ae ti a tau iai n te boi aei.

12 Ao ko na kabara ara buakaka mairoura, n ai arora nkai ti kabara te buakaka mairouia akana ioawa nako ira.

13 Ao tai kairira nakon te kaririaki, ma ko na kamaiuira man te buakaka ; ba anbai te uea, ao te maka, ao te neboaki, n aki toki. Amene.

14 Ba nkana kam kabara aia buakaka aomata mairouia, ao e kabara naba ami buakaka Tamami are i karawa.

15 Ma nkana kam aki kabara aia buakaka aomata mairouia, ao e aki kabara ami buakaka Tamami are i karawa.

16 ¶ Ao nkana kam aki mamatam, ao tai mata ni kananoana n ai aroia tani mamana-te-aba : ba a kabuakakai moaia, ba e aoian noraki aia aki mamatam irovia aomata : e koaua au taeka nako imi ba a ananaki aia bai.

17 Ao ñkoe, ñkana ko aki matam, ao ko na kabira atum, ao teboka moam;

18 Ba e na'ki noraki am aki matam irouia aomata, ma e na noraki iroun Tamam ae raba: ao ane e na añaniko am bai, ni kaotia, Tamam ae nora ae raba.

19 Tai ikoikoti ami bai i aon te aba, ika e kañi bai iai te koa ma te rara, ao a ururu n irae tan ira:

20 Ma kam na ikoikoti ami bai i karawa, ike e aki kañi bai iai te koa ma te rara, ao a'ki ururu n irae tan ira.

21 Ba ike a mena iai ami bai, ao a mena iai naba nanomi.

22 Otan te rabata te mata: ma ñaia aei, ñkana e raoiroi matam, ao e ota rabatam ni kabanea.

23 Ma ñkana e buakaka matam, ao e ro rabatam ni kabanea. Ao ñkana bon te ro naba te ota i nanom, ao ai bati ra te ro!

24 ¶ Akea ane kona te toro irouia toka uoman: ba ane e na riba temana, ao e na tañira temana; ke ane e na nim iroun temana, ao e na rawa iroun temana. Kam aki kona n toro iroun te Atua ma Mamon.

25 Ma ñaia ae I taku nako imi, Tai iañoi maiumi n raraomaeakini kanami, ao nimami; ao tai iañoi rabatami n raraomaeakini karabami. Tiaki e uana riki te maiu nakon te amarake, ao te rabata nakon karabana?

26 Kam na tarai man n an-nañ: ba a'ki ununiki, ao a'ki uraki nakon nen amarake; ma e kamarakeia Tamami are i karawa. Tiaki kam boñana riki nako ia?

27 Antai iroumi ae kona ni karaka te manokunibai i aon anau-na ñkana e iañoia?

28 Ao kam aera ñkai kam iañoi karabami n raraoma? Kam na iañoi rikirakeri kiebu n te

nukamotu; a'ki mamakuri, ao a'ki bibinoka:

29 Ao I taku nako imi ba e bon aki kunikaia Toromon n ai aron tekaina i buakon aikai, n ana bai aika tamaroa ni kabane.

30 Ma ñaia aei, ñkana e kunikaia n aron aei iroun te Atua uteute n te nukamotu, are maiu n te boñ aei, are kakiaki ni nen te ai niñaboñ, ao tiaki e boni kunikaiañkani riki, ñkani aika e karako ami onimaki?

31 Ma ñaia ae tai iaño n raraoma, ni kañai, Tera karara? ao Tera nimara? ao Tera karabara?

32 (Ba a ukoukora baikai ni kabane Bekan:) ba e ataiñkani Tamami are i karawa ba a kai nanomi ñkana akea baikai iroumi.

33 Ma kam na ukoukora moa uean te Atua ma ana raoiroi; ao a na bane n raonaki baikai nako imi.

34 Ma ñaia ae tai iañoa te iañboñ n raraoma: ba e na iañoi ana bai te iañboñ. E a tau ana bai ni kararaoma te boñ ae teboñina, ñkana bon ana bai.

MAKORONA VII.

Tai kabuakakaia aomata ñkami, ba kam kawa ni kabuakakaki.

2 Ba ane kam na maña kabuakakaki n te kabuakaka are kam kabuakakaia aomata iai; ao ane e na maña baire te aba nako imi n te baire are kam babaire iai.

3 Ao ko aera ñkai ko taratara te aneke aue i nanoni matan tarim, ao ko aki nora te oka ane i nanoni matam?

4 Ao ko na irana n taku nakon tarim, N na buta te aneke mai matam; ao noria, bon te oka i nanoni matam?

5 Te tia mamana-te-aba ñkoe,

buta moa te oka mai matam ; ma ko tia, ao ko nora raoi te buta te aneke mai matan tarim.

6 Tai añania kamea te bai ae tabu, ao tai tetewe nako ami momi i mataia beki, ba a kawa n toubekai i ani waeia ma n rairaki n raeinkami.

7 Kam na bubuti, ao ane kam na añanaki ; kam na ukeuke, ao ane e na reke iroumi ; kam na karebwerebwe, ao ane e ua kaukaki nako imi :

8 Ba ane bubuti, ao e añanaki ; ao ane ukeuke, ao e reke irouna ; ao ane karebwerebwe, ao e kaukaki nako ina.

9 Antai te aomata iroumi, ae añan natina te atibu, ñkana e butia te berena ?

10 Ao ñkana tao e butia te ika, ao e añana te naeta ?

11 Ao ñkai kam ata te añania natimi baika raraoi, ñkami akana kam buakaka, ao tiaki e maiti riki te kan aña baika raraoi iroun Tamami are i karawa nakoia akana butia ?

12 Ma ñaia aei, bai ni kabane, aika kam tañiri, ba a na karaoaki nako imi irouia aomata, ao kam na karaoi naba nako ia ; ba aei te tua ma aia taeka burabeti.

13 Kam na rin n te mataroa are wariki ; ba e warebwe te mataroa, ao e rababa te kawai are nako n te mate, ao a uanao akana rin iai :

14 Ai wariki ra te mataroa, ao e irariki te kawai are nako n te maiu, ao a karako akana kunea.

15 Kam na kawakiniñkami nakoia burabeti akana kewe, akana nako imi ni baka n tibu, ma boni kameanti aika kakañ uakekei i nanoia.

16 Ane kam na kinaia n uaia. A anaki kurebe man akanta, ao biku man teriboro ?

17 Ao ai aron naba kai ni kabane aika raoiroi, a kariki ua aika raoiroi ; ao kai ni kabane aika buakaka, a kariki ua aika buakaka.

18 E aki kona ni karika te ua ae buakaka te kai ae raoiroi ; ao e aki kona ni karika te ua ae raoiroi te kai ae buakaka.

19 Kai nako aika a'ki kariki ua aika raoiroi, ao a koreaki, ao a teweaki nako n te ai.

20 Ma ñaia aei, ane kam na kinaia uakekei n uaia.

21 A'ki bane n rin n uean te Atua akana taku nako iu, Te Uea, Te Uea ; ma e rin iai ane taua ana taeka Tamau are i karawa.

22 Ane a na kañai nako iu aomata aika bati n te boñ arei, Te Uea, Te Uea, tiaki ti reirei n aram ? ao tiaki ti karaoi kakai aika bati n aram ?

23 Ao ñai N na taku nako ia, I bon aki kinaiñkami ma ñkoa : nako mairou, ñkami aika kam karaoa te buakaka.

24 Ma ñaia aei, ane oño au taeka aikai n tau, ao I taku ba ai aron te aomata ae rabakau, are katea batana i aon te ba :

25 Ao e baka te karau, ao e roko te raña, ao e kare te añ, ao a neakina te bata arei ; ao e aki baka ; ba a kateaki bouana i aon te ba.

26 Ao ane oño au taeka aikai, n aki tau, ao e na atoñaki ba ai aron te aomata ae baba, are katea batana i aon te bike :

27 Ao e baka te karau, ao e roko te raña, ao e kare te añ, ao a neakina te bata arei ; ao e baka ; ao e ababaki bakana.

28 ¶ Ao ñke e katia taeka aikai Iesu, ao a mimi aomata n ana reirei :

29 Ba e reirei'a n ai aron tema-

na ae maka, ao e aki n ai aroia tani koroboki.

MAKORONA VIII.

Ao nke e ruo man te mauña, ao a iria aomata aika uanao.

2 Ao noria, e roko te rebero ni bobaraki n taromauria, ao e taku, Te Uea, nkana ko kani kaitiakai ao ko konai.

3 Ao Iesu, e arora baina, ao e riña, ao e taku, I kani kaitiakiko; ko na itiaki. Ao e rina n toki reberana.

4 Ao e taku Iesu nako ina, Tarataraike ba ko na'ki tuaña temana; ma nako kaotiko nakon te iboña, ao aña te karea are e tua Mote, ba te bai ni kakoaua nakoia aomata.

5 ¶ Ao nke e roko i Kabere-naum, ao e nako ina uean ae te-bubua, ni butia,

6 Ao e taku, Te Uea, e wene n te bata au toro ae nakibaina, ae e bati marakina.

7 Ao e taku Iesu nako ina, N na nako ni kamaiua.

8 Ao uean are teubua e kaeka ni kañai, Te Uea, I aki riái ba ko na rin i ani batau: ma an taetae naba, m'e a maiu naba au toro.

9 Ba te aomata i an te uea ñai, ao iái tani buaka i au; ao I taku nakon temana, Nako, ao e nako; ao nakon temana, Nako mai, ao e nako mai; ao nakon au toro, Karaoa aei, ao e karaoia.

10 Ao Iesu, nke e oño, ao e mi-mi, ao e taku nakoia ake a iria, E koaua au taeka nako imi, ba I tuai n nora te onimaki ae abakin aei irouia Iteraera.

11 Ao I taku nako imi, ba a na roko aomata aika bati, mai mainiku, ao mai maeao, ao a na te-kateka ma Aberaam, ao Itaaka, ao Iakoba, n uean te Atua;

12 Ma a na teweaki nako natin uean te Atua nako nanon te ro are i ao: te tañ ao te kakekeruatai wi iai.

13 Ao e taku Iesu nakon uean are teubua, Ko na nako; ao e na karaoaki nako im, n ai aron am onimaki. Ao e kamaiuaki ana toro n te aua arei.

14 ¶ Ao nke e roko Iesu ni batani Betero, ao e nora tinabani Betero be e wene n nimanana.

15 Ao e riña baina, ao e kitana neierei te nimanana: ao e tei rake, ao e akoi'a.

16 Ao nke' a tairiki, ao a uotaki nako ina aomata aika bati aika a tani'a taimonio: ao e kanakoia tamnei akekei n taetae, ao e kabaneia akana aoraki ni kamaiuia:

17 Ba e na kakoauaki are atoñaki iroun Itaia are te burabeti nke e kañai, E anai mamarara ao e uouoti aorakira.

18 ¶ Ao Iesu, nke e nori'a aomata aika uanao i rarikina, ao e tua te nako tanimainikun te nama.

19 Ao e roko te tia koroboki temana, ao e taku nako ina, Te Tia reirei, N na iririko nako ike ko nako iai.

20 Ao e taku Iesu nako ina, Bon iai bañaia arobeke, ao ñaoia man n an-nañ; ma akea neni kawenean atun Natin te aomata.

21 Ao e taku nako ina ana reirei temana, Te Uea, kanakoai moa ba N na nako n tauna tamau.

22 Ao e taku Iesu nako ina, Ko na irai; ao ke a taunia aia mate mate.

23 Ao nke e toka n te boti, ao a iria ana reirei.

24 Ao noria, e roko te añ ae baibati, i aon te nama, ao e raba te boti n nao: ma e matu teuarei.

25 Ao a nako ina ana reirei ni

kautia, ao a taku, Te Uea, kamaiura; ti mate.

26 Ao ñaia e taku nako ia, Kam aera ñkai kam maku, ñkami aika e karako ami onimaki? Ao e tei rake, ao e boa te añ, ao te nama; ao e a bati naba te ariki.

27 Ao a mimi aomata akekei, ao a taku, Ai aron tera te aomata aei, ñkai e oño irouna te añ ma te nama!

28 ¶ Ao ñke e roko n tanimai-nikun te nama i abaia I-Keriketa, ao a bo ma ñaia uoman te aomata aika a tau'á taimonio, aika oti nako man ne ni mate, aika moan te titiri; ma ñaia are akea ana kona n ri kekei.

29 Ao noria, a takarua ni kañai, Tera ara bai iroum, Natin te Atua? ko nako mai n tirinira ñkai e tuai n roko ara boñ?

30 Ao te nanai ni beki aika bati i kiraroa mairouia, aika kume n amarake.

31 Ao a butia teuarei taimonio ni kañai, Ñkana tao ko kana-koira, ao tai tukira, ñkana ti nako nanon te nanai ni beki.

32 Ao ñaia e taku nako ia, Nako. Ao ñke e oti nako, ao a nako nanon te nanai ni beki: ao noria, a bane ni biri rio te nanai ni beki n te rabe nako nanon te nama, ao a mate n te ran.

33 Ao a biri nako tani kamara-kei'a, ao a nako n te kawa, ao a karakini bai ni kabane, ma bai ake a roko irouia uake a taniaki irouia taimonio.

34 Ao noria, a bane n oti nako kain te kawa arei, ba a na bo ma Iesu: ao ñke a noria, ao a butia ba e na nako mai abaia.

MAKORONA IX.

Ao e toka n te boti n ri aon te nama, ao e roko n ana kawa.

2 Ao noria, a uota nako ina te

nakibaina, ae wene i aon te ne ni wene: ao Iesu, ñke e nora aia onimaki, ao e taku nakon are nakibaina; Natu, kabebetea nanom; a kabaraki am buakaka mairoum.

3 Ao noria, a taku i nanoia tani koroboki tabeman, E baka n atua teuane.

4 Ao e atai nanoia Iesu, ao e taku, Kam aera ñkai kam iañoa te buakaka i nanomi?

5 Ba e ña ae kai atonaki riki, te taetae ae kañai, A kabaraki am buakaka mairoum, ke te kañai, Tei rake ao nakonako?

6 Ma bukin ami ataia ba e kona buakaka ni kabara i aon te aba Natin te aomata, (ao e taku nakon te nakibaina) Tei rake, tabeka nem ni wene, ao nako ni batam.

7 Ao teuarei e tei rake, ao e nako ni batana.

8 Ao aomata, ñke a noria, ao a mimi, ao a neboa te Atua are añ-ania aomata te niaka arei.

9 ¶ Ao Iesu, ñke e nako mai, ao e nora te aomata temana, ba e tekateka ni nen te tia ikoikoti ana mane te uea, ae arana Mataio: ao e taku nako ina, Ko na irai. Ao ñaia e tei rake n iria.

10 Ao ñke e rarikiriki n amarake Iesu n te bata, ao noria, a roko tan ikoikoti ana mane te uea ma aomata aika buakaka aika bati, ao a rarikiriki n amarake ma ñaia ma ana reirei.

11 Ao ñke a nora baerei Bari-taio, ao a taku nakoia ana reirei, E aera ñkai e amarake ami Tia reirei ma tan ikoikoti ana mane te uea ma aomata aika buakaka?

12 Ao ñke e oño Iesu, ao e taku nako ia, A'ki kai nanoia akana maiu ñkana akea te tia kato-

ki-aoraki irouia, ma a kai nanoia akana aoraki.

13 Ma kam na nako n reireiŋkami aron ae kaŋai, I taŋira te atataiaomata, ao I aki taŋira te taromaui: ba I aki roko ba N na wetei'a akana raoiroi, ma I roko ni wetei'a akana buakaka nakon rairan nanoia.

14 Ao a nako ina iai ana reirei Ioane, ao a taku, E aera ŋkai ti kabatia te aki-mamatam ma Baritaio, ma a boni mamatam naba am reirei?

15 Ao e taku Iesu nako ia, A kona te nanokawaki natin ana ru te tia iein, ŋkai e mena te tia iein irouia? ma ane a na roko boŋ, ake e na uotaki nako mairouia iai te tia iein, ao a'ki matam iai.

16 Akea ane itua te moti ni kunikai ae menai i aon te ninira nikawai; ba e urua te ninira te moti, ao e buakaka riki te tabwena.

17 Ao a'ki atoa te uain ae menai aomata i nanoni batoro nikawai aika kunin te man: ba ŋkana a atoa, ao a maibi batoro, ao e raŋa nako te uain, ao a uruaki batoro: ma a atoa te uain ae menai i nanoni batoro aika menai, ao a uaia ni kawakinaki.

18 ¶ Ao ŋke e atoŋi baikai nako ia, ao noria, e roko te tia tau-taeka temana, ae e taromauria, ao e taku, E a kani moti ikeiken natu te aine; ma ko na nako mai ni kaki baim i aona, ao e a maiu naba.

19 Ao e tei rake Iesu, ao e iria, ma ana reirei.

20 Ao noria, e roko i akuna te aine ae nrara tehauni ma ua-ririki, ao e riŋa buruburun ninirana:

21 Ba e taku i nanona, ŋkana tao I ti riŋa naba ninirana, ao I a maiu.

22 Ao e rairaki Iesu, ao e noria,

ao e taku, Natu, kabebetea namom; e kamaiuko am onimaki.

23 Ao ŋke e roko Iesu ni batan te tia tau-taeka, ao e nori'a tani katanitani bai n anene ma aomata, ba a taŋiniwenei,

24 Ao e taku nako ia, Kam na ke rikaki; ba e aki mate te teinaine, ma e matu. Ao a ŋarea-kina ni kakanikoa.

25 Ao ŋke a tia ni kanakoaki to koraki arei, ao ŋaia e rin, ao e taua bain neierei, ao e tei rake te teinaine.

26 Ao e taona aon te aba arei roŋoroŋon te baerei ni kabuta.

27 ¶ Ao ŋke e nako maiai Iesu, ao a iria uoman te mataki, ao a takarua ni kaŋai, Natin Tawita, ko na nanoaŋaira.

28 Ao ŋke e roko i nanon te bata, ao a nako ina uake a mataki; ao e taku Iesu nako ia, Kam taku i nanomi ba I kona te baene ni karaoia? A taku nako ina, Eŋ, te Uea.

29 Ao e riŋi mataia, ao e taku, E na karaoaki nako imi n ai aron ami onimaki.

30 Ao a kaureaki mataia; ao e tuaŋia Iesu ni kakorakora, ni kaŋai, Kam na tara te baene ba a na'ki ataia aomata.

31 Ma ŋke a nako, ao a katanoota nako aon te aba arei ni kabuta.

32 ¶ Ao ŋke a nako, ao noria, e kairaki nako ina te aomata ae babaŋa taetae, ae e tania te taimonio.

33 Ao ŋke e kanakoaki te taimonio, ao e taetae are babaŋa taetae; ao a mimi aomata, ao a taku, E aki noraki aron aei ŋkoa i buakoia Iteraera.

34 Ma a taku Baritaio, E kanaoia taimonio iroun aia uea taimonio.

35 Ao e nakonako Iesu ni kawa

ni kabane ao maeka, ao e reirei ni maneabaia, ao e tua euanke-
rion uean te Atua, ao e katoki
aoraki ni kabane ao mamara ni
kabane.

36 Ao nke e nori'a aomata aika
bati, ao e nanaoani'a, ba a kua,
ao a mae, n ai aroia tibu ake
akea te tia kawakinia.

37 Ao e taku iai nakoia ana
reirei, E boni karuonako te tai,
ma a karako tani makuri;

38 Ma naia ae kam na butia
Uean te tai, ba e na kanakoia
tani makuri nakon ana tai.

MAKORONA X.

Ao nke e wetei'a ana reirei ake
tehauni ma uoman, ao e anania
te maka nakoia tamnei aika
buakaka, ba a na kanakoia, ao
ba a na katoki aoraki ni kabane
ao mamara ni kabane.

2 Ao aikai araiia tan tuatua ake
tehauni ma uoman; Te moa n
ara Timon, are arana teuana Be-
tero, ao Anterea are tarina; ao
Iakobo are natin Tebetaio, ao
Ioane are tarina;

3 Ao Biribo, ao Baretoromaio;
ao Toma, ao Mataio are te tia
ikoikoti ane mane te uea; ao Ia-
kobo are natin Archaio, ao Re-
baio, are arana teuana Tataio;

4 Ao Timon are te Kananite,
ao Iuta Itakariota teure kama-
nea.

5 E kanakoia uaka tehauni ma
uoman Iesu, ao e tuaia ni kanai,
Tai nako ni kawaia Bekan nka-
mi, ao tai rin n aia kawa I-Ta-
maria:

6 Ma kam na nako ia tibu n ana
utu Iteraera ake a bua.

7 Ao nkana kam nakonako, ao
kam na reirei ni kanai, E a kan-
roko uean te Atua.

8 Kam na kamaiuia akana ao-
raki, kaitiaki'a rebero, kautia

mate, kanakoia taimonio: kam
a ti ananaki naba, ao kam na
aia, ma tai kabo.

9 Tai ua kora nkami, ao tai ua
tireba, ao tai ua bitetaom i na-
noni kabaeen nukami;

10 Ao tai ua bua n amarake n
nakoia, ao tai uoti uoua te
kabaraki, ao tai ua kau, ao tai
ua oko: ba e riai ba e na ana-
naki te tia makuri kanana.

11 Ao nkana kam rin n te kawa
teuana ke n te maeka teuana, ao
kam na titiraki ba antai ae raoi-
roi iai; ao kam na maeka irouna
ni kabane ami boi mairouna.

12 Ao nkana kam rin n te bata
teuana, ao kam na ina iai.

13 Ao nkana e raoiroi te bata,
ao e na roko ami taetae-raoi i
aona: ma nkana e aki raoiroi, ao
e na okiriniami ami taetae-raoi.

14 Ao nkana tao e aki akoi-
nkami te aomata, ao nkana e
aki ono ami taeka, ao kam na
taei barekani waemi, nkana kam
nako man te bata arei ke man te
kawa arei.

15 E koaua au taeka nako imi,
ba a maiu riki I-Totom ao I-Ko-
mora nakon te kawa arei, n te
boi ni kaeti.

16 Noria, I kanakoinkami n ai
aroni kanakoia tibu nako bua-
koia kameanti: ma naia ae kam
na wanawana n ai aroia naeta,
ao kam na nimamanei n ai aroia
taobe.

17 Ao kam na kawakiniinkami
nakoia aomata: ba ane a na
ana nkami nakoni kabowi, ao
ane a na katareinkami ni ma-
neabaia;

18 Ao ane kam na kairaki nako
mataia tan tau-taeka ma uea i
buku, ba te bai ni kaotioti nako
ia ma Bekan.

19 Ao nkana a ana nkami, ao
tai ukoukori ami taeka; ba kam

na aňanaki ami taeka n te aua arei.

20 Ba tiaki űkami ake a taetae, ma Tamnein Tamami are taetae i nanomi.

21 Ao te tari te mane, ane e na aňa tarina nakon te mate, ao te tama, ane e na aňa natina: ao ane a na tei rake nati nakoia aia karo, ni kareke mateia.

22 Ao ane kam na ribaki irouia aomata ni kabaneia i bukin arau: ma ane nanomaka ni karokoa te toki, ao e na kamaiuaki.

23 Ma űkana a bainikiriniűkami n te kawa aei, ao kam na biri nako n te kawa teuana: ba e koaua au taeka nako imi, ba űkana e roko Natin te aomata, ao kam tuai meni kabuta aia kawa Iteraera iai.

24 E aki mena i aon te tia reirei ane reireiaki, ao e aki mena i aon ana toka te toro.

25 E a tau ane reireiaki űkana ai aron naba ana tia reirei, ao te toro űkana ai aron naba ana toka. Nke a atoňa teuae batana te bata aomata, ba Beretebuba, ao tiaki a kai atoňia riki ana utu ba Beretebuba?

26 Ma űaia ae tai makuia űkami: ba akea te bai ae karabaki, are na'ki kaotaki; ao akea ae raba, are na'ki ataki.

27 Ane I tuaiűkami n te ro, ao kam na tua n te űaina: ao ane kam oňo n te taniňa, ao kam na takaekina i aoni bata.

28 Ao tai makuia akana kamatea te rabata, ma a'ki kona ni kamatea te tamnei: ma kam na maka riki teuare kona ni kamatea te tamnei ma te rabata i mone.

29 Tiaki a kaboaki uoman te tibaro n teuana te tianti? ao e bon aki baka i aon tano temana n aikai űkana akea Tamami.

30 Ao a bane ni warekaki iranatumi.

31 Ma űaia ae tai maku űkami, ba kam uana riki nakoia tibaro aika bati.

32 Ma űaia aei, ane kaota tauani buku i mataia aomata, ao űai I a maňa kaota tauani bukina i matan Tamau are i karawa.

33 Ma ane kakeai i mataia aomata, ao űai I a maňa kakea i matan Tamau are i karawa.

34 Tai taku i nanomi ba I roko ba N na uota te raoi nako aon te aba: I aki roko n uota te raoi, ma I roko n uota te kabaň.

35 Ba I roko ba N na kauna te aomata nakon tamana, ao te nati te aine nakon tinana, ao te aine nakon tinani buna.

36 Ao ana kairiribai te aomata ana utu.

37 Ane taňira riki tamana ke tinana nako iu, ao e aki riai ba e na aňanaki űai: ao ane taňira riki natina te mane ke natina te aine nako iu, ao e aki riai ba e na aňanaki űai.

38 Ao ane aki ana ana kaibaňaki, n irai n ri mwiu, ao e aki riai ba e na aňanaki űai.

39 Ane kawakina maiuna, ao e boni kabua: ao ane kabua maiuna i buku, ao e boni karekea iai.

40 Ane akoiűkami, ao e akoai naba; ao ane akoai, ao e akoa naba teuare kanakomaiaia.

41 Ane akoa te burabeti űkai te burabeti, ao e na aňanaki ana bai te burabeti iai; ao ane akoa te aomata ae raoiroi űkai te aomata ae raoiroi, ao e na aňanaki naba ana bai te aomata ae raoiroi.

42 Ao ane kamoia temana irouia uaka uarereke n te maňko n ran ae maitoro űkai te kiritian, ao e koaua au taeka nako imi, ba e bon aki kabua ana bai.

MAKORONA XI.

Ao Iesu, ñke e a tia n tuaña ana reirei ake teñauni ma uoman, ao e nako maia ba e na reirei, ao ba e na taetae n aia kawa nako.

2 Ao ñke e oño ana makuri Kristo Ioane mai nanon te bata ni kaikain, ao e kanakoia ana reirei uoman,

3 Ao e taku nako ina, Ñkoe are ko nañi roko, ke ti kantañiña temana?

4 E kaekaia Iesu ni kañai, Kam na nako n tuaña Ioane baika kam oño ao kam nori:

5 A noraba mataki, ao a nako-nako mauku, a kaitiakaki rebero, ao a oño taeka taniñabono, a kautaki mate, ao a reireiaki akana aki kaubai te euankerio.

6 Ao ane aki kabakaki nakon te buakaka irou, ao e a kabaia.

7 Ao ñke a nako uakekei, ao Iesu e taekina Ioane nakoia aomata ni kañai, Tera're kam nako n te rereua ba kam na noria iai? Te maunei ae e kaeieia te añ?

8 Ao tera're kam nako iai ba kam na noria? Te aomata ae kunikaia n te kunikai ae maraurau? noria, a mena ni bataia uea aomata aika kunikaia te kunikai ae maraurau.

9 Ao tera're kam nako iai ba kam na noria? Te burabeti? I taku nako imi ba bon te burabeti, ao e kakanato riki nakon te burabeti.

10 Ba boni ñaia are korobokiaki ni kañai, Noria, I kanakoa au man n ri moam, ba e na katuraoa kawaim i maim.

11 E koaua au taeka nako imi, ba e tuai ni kaoti temana ae kakanato riki nakon Ioane are te Tia babetito i buakoia akana

buniaki irouia aine: ma ane moan te mañori n uean te Atua, ao e kakanato riki nako ina.

12 Ao mai mwin ana bon Ioane are te Tia babetito ao tokina ñkai, ao moan te ukoukoraki uean te Atua, ao a taua akana korakora.

13 Ba a bane n taetae ni burabeti taiani burabeti ma te tua ni karokoa Ioane.

14 Ao ñkana kam kani kaki i nanomi, ao bon Eria are kan roko teuarei.

15 Ane iai taniñana n oño, ao ke' oño.

16 N na taku ba ai aron tera te roro aei? Ai aroia ataei ake a tekateka ni ne ni bobai, ake a wetei'a raoia,

17 Ni kañai, Ti katañitani bai n anene nako imi, ao kam aki ruoia iai; ti tañiniwenei nako imi, ao kam aki tañ naba.

18 Ba e roko Ioane n aki amamarake ma n aki momoi, ao a kañai aomata, Te taimonio iro-una.

19 E roko Natin te aomata n amamarake ma ni momoi, ao a kañai, Noria, te aomata ae buabeka, ao te tia nim uain, raoia tan ikoikoti ana mane te uea ma aomata aika buakaka. Ma e karaoiroaki te ataibai irouia natina.

20 Ao e moa ni boai iai kawa ake a karaoaki ana kakai iai ake a bati, ba a'ki rairi nanoia, ao e kañai,

21 E na reke kaim, Koratin! e na reke kaim, Betetaita! ba ñke a bure ni karaoaki kakai i Turo ao Titon, ake a karaoaki i nanomi, ao a akaman rairi nanoia ma te kunikai ae raeroba ao te mannañ.

22 Ma I taku nako imi, Ba e maiu riki Turo ma Titon nako imi, n te boni ni kaeti.

23 Ao ñkoe, Kaberenaum, ae ko kateaki nako karawa, ko na teweaki nako mone: ba ñke a bure ni karaoaki kakai i Totom, ake a karaoaki i nanom, ao e bon tiku ni karokoa te boñ aei.

24 Ma I taku nako imi, ba a na maiu riki I-Totom nako im n te boñi ni kaeti.

25 ¶ Ao ni boñ akekei e taetae Iesu, ni kañai, I karaoiroiko, Tamau, ae Ueani karawa ma aon te aba, ba ko karaba baikai nakoia akana rabakau ao akana wanawana, ao ko kaotioti nakoia merimeri.

26 E a tau ane, Tamau; ba ñaia are ko tañiria.

27 I añanaki bai ni kabaneaki iroun Tamau: ao akea ane kina te Nati ma ti te Tama ae kina: ao akea naba ane kina te Tama, ma ti te Nati ae kina, ao ane e kani kaotia te Nati nako ina.

28 Bane mai nako iu, ñkami akana kam kua ao kam rawawata, ao N na motiki rawami.

29 Tabeka amou nako aomi, ao reirei irou; ba I nimamanei ao I nanorinano; ao e reke iroumi iai motikan rawaia tamneimi.

30 Ba e aoraoi amou, ao e bete uotau.

MAKORONA XII.

Ni boñ akekei e ri nukani nen te aroka ae te baraua Iesu n te Tabati; ao a baki ana reirei, ao a kiniki uani baraua, ao a kañ.

2 Ma ñke a noria Baritaio, ao a taku nako ina, Noria, a karaoa ane aki riai ba e na karaoaki n te Tabati ani reirei.

3 Ao ñaia e taku nako ia, Tiaki kam a tia ni wareka are e karaoia Tawita, ñke e baki ma raona nako;

4 Ñke e rin ni maneaban te Atua, ao e kana te berena are

kaotiotaki, are aki riai ba e na kanaki irouna, ma raona nako, ma e riai irouia ti iboña?

5 Ao tiaki kam a tia ni wareki aroia iboña n te Baibara, ñkai a ri aon te Tabati i nanoni maneaban te Atua n te Tabati, ao a'ki buakaka iai?

6 Ma I taku nako imi, ba iai temana ikai ae kakanato riki nakoni inaneaban te Atua.

7 Ao ñke kam bure n ata aron ae kañai, I tañira te atataiaomata, ao I aki tañira te taromaui, ao kam aki kabuakakaia aika aki buakaka.

8 Ba Uean te Tabati Natin te aomata.

9 ¶ Ao e nako maiai, ao e rin n neia n taromaui:

10 Ao noria, te aomata ae e mate baina iai. Ao tokoraki a titirakina Iesu ni kañai, E riai te katoki aoraki n te Tabati ke e aki? ba a kani bukina.

11 Ao e taku nako ia, Antai te aomata iroumi, ae iai ana tibu, ao ñkana e baka n te rua n te Tabati, ao e aki anaia n tabekia?

12 Ao tiaki e kakawaki riki te aomata nakon te tibu? Ma ñaia ae e riai te karaoa ae raoiroi n te Tabati:

13 Ao e taku nakon te aomata, Arora baim. Ao e aroria; ao e a maiu n ai aron are teaina.

14 Ao a kabowi Baritaio nako ina, ba a na irana ni kamatea.

15 ¶ Ao Iesu, ñke e ataia, ao e nako maiai: ao a iria aomata aika uanao, ao e kamaiuia ni kabaneia;

16 Ao e tuania ba a na'ki kaotia:

17 Ba e na kakoauaki are atonaki iroun Itaia are te burabeti, ñke e kañai,

18 Nora au tia makuri, are I rineia, are tañiraki irou, are e ka-

katoña tamneiu irouna; N na kaki tamneiu i aona, ao e na tuaña Bekan au taeka.

19 Ane e na'ki mamañainai, ao e na'ki tatarua; ao a na'ki oño banana aomata i nanoni kawai.

20 Ao e bon aki otea te mau nei ae manamana, ao e aki kama tea karain te bae ae bubu, ñkai e tuai n tokanikai ni kabuta ana taeka.

21 Ao ane a na onimakina arana Bekan.

22 ¶ Ao e uotaki nako ina iai temana ae e tania te taimonio, ae matakai, ae babaña taetae; ao e kamaiua, ma ñaia are e taetae te matakai are babaña taetae, ao e noraba.

23 Ao a bane ni mimi aomata, ao a taku, Tiaki Natin Tawita teuae?

24 Ao Baritaio, ñke a oño, ao a taku, E aki kanakoia taimonio, ma e kanakoia iroun ti Beretebuba are aia uea taimonio.

25 Ao e atai nanoia Iesu, ao e taku nako ia, E uruaki te aba ñkana e koroutu; e aki tei te kawa ke te bata, ñkana e koroutu.

26 Ao Tatan, ñkana e kanakoa Tatan, ao e koroutu iai; ma ñaia ae e na irana n tei ueana?

27 Ao ñkana tao I kanakoia taimonio irouni Beretebuba, ao natimi, a kanakoia taimonio iroun antai? ma ñaia ae ami tia motiki-taeka natimi.

28 Ma ñkana I kanakoia taimonio iroun Tamnein te Atua, ao e roko iroumi iai uean te Atua.

29 Ao e na irana te aomata ni kona n rin ni batan te aomata ae korakora, n anai ana bai, ñkana e tuai ni kabaea moa teuare korakora? ao ñkana e a tia, ao e anai bai ni batana.

30 Ane aki mena irou, ao e rawa nako iu; ao ane aki boboti ma ñai, ao e kamae nako.

31 Ma ñaia ae I taku nako imi, A na bane ni kabaraki buakaka ao taetaebuaka mairouia aomata: ma e na'ki kabaraki te taetaebuakaka nakon te Tamnei are Raoiroi mairouia aomata.

32 Ane atoña ae buakaka nakon Natin te aomata, ao e na kabaraki ana buakaka: ma ane atoña ae buakaka nakon te Tamnei are Raoiroi, ao e na'ki kabaraki ana buakaka i aon te aba aei, ao e aki naba n are rimwi.

33 Ñkana kam karaoa te kai ba e aoñan raoiroi, ao kam na karaoa naba uana ba e aoñan raoiroi; ma ñkana kam aki, ao kam na karaoa te kai ba e aoñani buakaka, ao uana ba e aoñani buakaka; ba e ataki te kai n uana.

34 Bunia baiba ñkami; ñkai kam buakaka, ao kam na irana ni kona te taetae ae raoiroi? ba e taetae te wi man onraken te nano.

35 E kaoti bai aika raoiroi te aomata ae raoiroi mani bain nona aika raoiroi: ao e kaoti bai aika buakaka te aomata ae buakaka man ana bai aika buakaka.

36 Ma I taku nako imi, A na karakin aron uia taeka aika buakaka ni kabane aomata n te boñi ni kaeti.

37 Ba ko na karaoiroaki n am taeka, ao ko na kabuakakaki n am taeka.

38 ¶ Ao a kaeka tani koroboki tabeman ma Baretaio, ni kañai, Te Tia reirei, ti kan nora te kanikina mairoum.

39 Ao e kaekaia ni kañai, A ukoukora te kanikina te roro ae buakaka ae babakanikawai; ao a na'ki añanaki te kanikina, ma a na añanaki Iona are te burabeti ba te kanikina.

40 E mena Iona i nanoni biro.

ton te ika tenua te ñaina ao tenua te boñ: ao ane e na mena Natin te aomata n ai arona, i an tano tenua te ñaina ao tenua te boñ.

41 Ane a na tei rake I-Ninewa ma te roro aei n te boñi ni kaeti, ao ane a na kabuakakaia: ba a rairi nanoia n ana reirei Iona; ao noria, temana ikai ae kakana-to riki nakon Iona.

42 Ane e na tei rake ueani mai-aki are te aine ma te roro aei n te boñi ni kaeti, ao ane e na kabuakakaia: ba e nako mai man te aba are raroakinokino, ba e na oño rabakaun Toromon; ao noria, temana ikai ae kakanato riki nakon Toromon.

43 Ñkana e oti nako mai nanon te aomata te tamnei ae buakaka, ao e nakonako i aon tabo aika mauteretere n ukoukora te ne ni moti-rawa, ao e aki kunea.

44 Ao e taku, N na okira batau are I nako maiiai; ao ñke e roko, ao e noria ba akea kanoana, ao e iakinaki, ao e katamaroaki.

45 Ao e nako ni kairi'a tamnei itiman aika buakaka riki nako ina, ao a rin, ao a maeka iai: ao e buakaka riki aron te aomata arei, rimwi, nakon arona are rimoa. Ao ai aron naba menakin te roro ae buakaka aei.

46 ¶ Ao ñke e kume n taetae nakoia aomata, ao noria, e tei i ao tinana ma tarina nako, ba a kan taetae ma ñaia.

47 Ao e taku temana nako ina, Noria, e tei i ao tinam ma tarim nako, ba a kan taetae ma ñkoe.

48 Ao ñaia, e kaeka teuare tu-ña, ni kañai, Antai tinau? ao antai taru?

49 Ao e arora baina nakoia ana reirei, ao e taku, Tara tinau ma taru nako.

50 Ba ane toua mwin ana taeka

Tamau are i karawa, ao bon taru, ao maneu, ao tinau.

MAKORONA XIII.

Ao n te boñ arei e nako Iesu man te bata, n tekateka i rarikin te nama.

2 Ae a botaki aomata aika uanao i rarikina, ma ñaia are e nako n toka n te boti, ao e teka-teka iai, ao a bane n tei aomata i an te aba.

3 Ao e atoñi baika bati nako ia n taetae ni kaikonaki, ao e kañai, Noria, e oti nako te tia ununiki ni kamae uan te baraua n uniki;

4 Ao ñke e kamae ao a baka temañina i rarikin te kawai, ao a roko man ao a kañ.

5 Ao a baka temañina i aon te ririba, ike e aki bati tanona: ao a kai riki, ba e mani te tano:

6 Ao ñke e oti tai, ao a bue; ao a rai, ba akea wakaia.

7 Ao a baka temañina i buakon akanta; ao a riki akanta, ao a kariba:

8 Ao a baka temañina i aon te tano ae raoiroi, ao a ua, tabekai tatabebubua, ao tabekai kakao-nobwi, ao tabekai kakatenibwe.

9 Ane iai taniñana n oño, ao ke' oño.

10 ¶ Ao a roko ana reirei, ao a taku nako ina, E aera ñkai ko taetae nako ia n taetae ni kaikonaki?

11 E kaekaia ni kañai, Ba kam añanaki te atai kamimin uean te Atua, ma a'ki añanaki ñai'a.

12 Ba ane iai ana bai, ao e na añanaki, ao a na kabatiaki riki ana bai: ma ane akea ana bai, ao a na anaki ake ana bai mairou-na.

13 Ma ñaia ae I taetae nako ia n taetae ni kaikonaki: ba a bon taratara, ma a'ki noraba; ao a

bon oño, ma a'ki oño, ao a'ki ataia.

14 Ao e kakoauaki irouia ana taeka Itaia, are kañai, Ane kam na oño n oño, ao ane kam na'ki atatai; ao ane kam na taratara n taratara, ao ane kam na'ki noraba:

15 Ba a riki ni manei nanoia aomata aikai, ao a oño maki n taniñiaia, ao a kamaki mataia; ba a rawa n noraba ni mataia, ao n oño n taniñiaia, ao n atatai n nanoia, ao n rairi nanoia, ao ni kamaiuaki iron.

16 Ma a kabaia matami, ba a noraba: ao taniñiami, ba a oño.

17 Ba e koaua au taeka nako imi, ba a bati burabeti ma aomata aika raioiroi, ake a kan nori baika kam nori, ao a'ki nori; ao a kan oño baika kam oño, ao a'ki oño.

18 Ma ñaia ae kam na oñora n te taetae ni kaikonaki are taekan te tia ununiki.

19 Ñkana e oño taekan uean te Atua te aomata, n aki ataia, ao e roko iai teuare buakaka, n ana are unikaki i nanona. Boni ñaia are unikaki i rarikin te kawai.

20 Ao are unikaki n te ririba, bon ane oño te taeka, ni kaki naba i nanona ni kakatoña;

21 Ma akea te waka i nanona, ma e botumara: ba ñkana e roko te bai ae e kai nanona iai, ke te bainikirinaki i bukin te taeka, ao e baka naba nakon te buakaka.

22 Ao are unikaki i buakon akanta, bon ane oño te taeka; ao e kariba te taeka te iaño n raraomai bain aon te aba, ma te mamanaki n te kaubai, ao e riki n aki ua.

23 Ao are unikaki n te tano are raioiroi, bon ane oño te taeka n ataia; ao e ua naba; tabemañ a

kariki uaia tatabebubua, ao tabemañ kakaonobwi, ao tabemañ kakatenibwi.

24 ¶ E a maña tuañia te taetae ni kaikonaki teuana, ni kañai, Uean te Atua, ai aron te aomata are uniki uan te baraua aika raioiroi i abana:

25 Ma ñke e matu te aba, ao e roko ana kairiribai ao e uniki titania i buakon te baraua, ao e nako.

26 Ao ñke e riki rake te tabera n ua, ao a kaoti iai titania.

27 Ao a roko ana toro te toka, ao a taku nako ina, Te Uea, tiaki ko uniki ua aika raioiroi i abam? ao a riki maia titania iai?

28 Ao ñaia e taku nako ia, E karaoia te kairiribai. A taku toro nako ina, Ko tañirira ba ti na nako ni boboti?

29 Ao e taku, I aki; ba ñkana kam boti titania, ao kam kawa n taeka te baraua.

30 A na uaia n riki rake ni karokoa boñin te anai-amarake: ao ni boñin te anai-amarake I a tuañia tan anai-amarake, ni kañai, Boti moa titania, ao kabae ni babati, ba a na kabuokaki: ma ikota te baraua nakon nen au amarake.

31 E a maña tuañia te taetae ni kaikonaki teuana, ni kañai, Uean te Atua, ai aron uan te makeke, are e anaia te aomata n unikia i abana:

32 E uañiñi riki nakon ua ni kabane: ma ñkana e a ikawai, ao e ababaki riki nakon kai aika ububu, ao e riki n te kai ae rietata, ma ñaia ae a roko man n an-nañ n tiku ni mañana.

33 E a maña atoña te taetae ni kaikonaki teuana nako ia; Uean te Atua, ai aron te bai ni kaburoburo, are e anaia te aine, n reñana i buakon te baraua ae

tenua baketina, ni kabuta n te buroburo.

34 ¶ E atoni baikai ni kabane Iesu nakoia aomata n taetae ni kaikonaki; ao nke akea te taetae ni kaikonaki, ao e aki taetae nako ia:

35 Ba e na kakoauaki are atonaki iroun te burabeti, nke e kañai, N na kaurea wiu n taetae ni kaikonaki; N na nai baika karabaki mai moani karikan te aba.

36 ¶ Ao e kanakoia aomata iai Iesu, ao e nako n te bata: ao a kawaria ana reirei, ao a taku, Ko na kaota nako ira te taetae ni kaikonaki are taekan titania ake ni nen te baraua.

37 Ao e kaekai ni kañai, Teuare uniki ua aika raoiroi Natin te aomata;

38 Nen aroka aba ni kabane; ua aika raoiroi natin uean te Atua; ao titania natin teuare buakaka;

39 Te kairiribai are uniki titania te riaboro; boñin te anai-amarake tokin te aba; ao tan anai-amarake auera.

40 A botaki titania ao a kabuokaki n te ai; ao ai aron naba tokin te aba aei.

41 Ane e na kanakoia ana anera Natin te aomata, ao a na ikotia mai aon ueana akana kabaka te aomata nakon te buakaka, ao akana karika te buakaka;

42 Ao ane a na teweia nako ni nen te ai: te tañ ao te kakekeruatai wi iai.

43 Ao ane a na raneanea akana raoiroi n ai aron tai n uean Tamai. Ane iai taniñana n oño, ao ke' oño.

44 Ao aio aron uean te Atua teuana; ai aron te bai ae kaka-waki are karabaki n te nukamotu teuana; are e karaba te aomata nke e kunea, ao e kakatoña iai,

ma ñaia are e nako ni kabo ana bai ni kabane, ao e kaboa te nukamotu arei iai.

45 Ao aio teuana; uean te Atua ai aron te tia bobai are ukoukori momi aika raraoi:

46 Ao nke e kunea te momi teuana ae bati bona, ao e nako ni kabo ana bai ni kabane, ao e kaboa te momi iai.

47 Ao aio teuana; uean te Atua ai aron te karaun, are kabakaki n te nama are boti aroia ika ni kabane:

48 Ao nke e on, ao a katikia rake, ao a tekateka, ao a boti ake a raoiroi i nanoni baene, ma a tetewe nako ake a buakaka.

49 Ao ai aron naba tokin te aba: ane a na roko anera ni kaokoroia akana buakaka ma akana raoiroi;

50 Ao a na teweia nako ni nen te ai: te tañ ao te kakekeruatai wi iai.

51 E taku Iesu nako ia, Kam atai baikai ni kabane? A taku nako ina, Ti atai, Te Uea.

52 Ao e taku nako ia, Ma ñaia aei, te tia koroboki ae reireiaki bain uean te Atua, ai aron te aomata ane iai batana, ane kaoti bai nabañkai ma bai nikawai man nen ana bai.

53 ¶ Ao Iesu, nke e a tia n atoni taetae ni kaikonaki aikai, ao e nako maia.

54 Ao nke e roko i abana, ao e reirei'a aomata ni neia ni botaki; ao a mimi, ao a taku, E reke maia te rabakan aei iroun teuaei, ma te maka?

55 Tiaki natin te kamta? tiaki aran tinana nei Maria? ao tarina nako, ba Iakobo, ao Iote, ao Timon, ao Iuta?

56 Ao manena nako, tiaki a bane ni mena iroura? Ma ñaia

ae a reke maia iroun teuaci baikai ni kabane?

57 Ao a kabakaki nakon te buakaka irouna. Ao e taku Iesu nako ia, E aki bainikirinaki te burabeti, ma e boni bainikirinaki i abana, ao ni batana.

58 Ao e aki kabati kakai iai, ba a'ki ira nanona.

MAKORONA XIV.

Ni bon akekei e oño roñoroñoni Iesu Erote are te Tia tau-taeka,

2 Ao e taku nakoia ana toro, Bon Ioane teuarei, are te Tia babetito; e a uti man te mate; ma ñaia ae a karaoaki kakai irouna.

3 Ba e taua Ioane Erote, ao e kabaea, ao e kaki i nanon te bata ni kaikain i bukin Eroria, are buni Biribo are tarina.

4 Ba e taku Ioane nako ina, E aki riai ba ko na buna.

5 Ao ñke e kani kamatea, ao e makuia aomata, ba a taku ba te burabeti.

6 Ao ñke e kawakinaki ana bon n riki Erote, ao e ruoia natin Eroria te aine i mataia, ao e kakimareireia Erote.

7 Ma ñaia are e tuaña neierei teuarei ma te karerea te Atua nako ina ba e na añana ane ebutia.

8 Ao e akamani winaki iroun tinana, ao e taku, Kamai atun Ioane are te Tia babetito n te raurau.

9 Ao e nanokawaki te uea: ma e tua ba e na añanaki i bukin ana karerea te Atua nako ina, ao i buki'a raona n amarake.

10 Ao e kanakoa te aomata, ni kabakua Ioane i nanon te bata ni kaikain.

11 Ao e uotaki atuna n te raurau, ao e añanaki te teinaine: ao ñaia, e uotia nakou tinana.

12 Ao a roko ana reirei, n tabeka nako rabatana, ao a tauna, ao a nako n tuaña Iesu.

13 Ao Iesu, ñke e oño, ao e nako maiai n te boti nakon te rereua ni kaokoroa: ao ñke a oño aomata, ao a ri mwina n rieta, mani kawa.

14 ¶ Ao e kaoti Iesu, ao e nori'a aomata aika uanao, ao e nanoañai'a, ao e kamaiuia aia aoraki.

15 Ao ñke e a tanimaeao tai, ao a nako ina ana reirei, ao a taku, Te rereua te aba aei, ao e a baka nako te aua; ko na kanakoa aomata, ba a na nako ni kawa, ni kabo kanaia.

16 Ao e taku Iesu nako ia, A tau ba a nañ aki nako; kam na añania kanaia.

17 Ao a taku nako ina, Ti nimaua te berena iroura ikai, ao uoman te ika.

18 Ao e taku, Uoti mai nako iu.

19 Ao e tuaña aomata ba a na tekateka i aon te uteute, ao e anai berena ake nimaua, ao ika ake uoman, ao e tara rake nako karawa n tataro, ao e tabetai, ao e añania ana reirei berena; ao reirei a mana añania aomata.

20 Ao a bane n amarake, ao a ñae: ao a ikoti nikirani kanaia, ao a on teñauni ma uakora te baene iai.

21 Ao ake a tia n amarake tao aña te mane; a ri aoaki aine ma ataei.

22 ¶ Ao e tuaña ana reirei ba a na toka n te boti, n ri moana nako maeon te nama; ao ñaia, e tabe ni kanakoa aomata.

23 Ao ñke e a tia ni kanakoa aomata, ao e ararake n te mauña ni kaokoroa n tataro: ao ñke e a tairiki, ao e mena iai n ti ñaia.

24 Ao ñke e mena te boti i nu-

kan te nama, ao e reinaurua n te nao; ba e tukia te añ.

25 Ao ñke e a kan te iterana, ao e nako ia Iesu n nakonako i aon te nama.

26 Ao ana reirei, ñke a noria, ba e nakonako i aon te nama, ao a maku, ao a kañai, Te Anti; ao a tañ, ba a maku.

27 Ao e taetae naba Iesu nako ia ni kañai, Kabebetei nanomi; boni ñai, tai maku.

28 Ao e kaeka Betero ni kañai, Te Uea, ñkana tao boni ñkoe, ao ko na tuañai ba N na nako im i aon te ran.

29 Ao e taku, Mai. Ao ñke e ruo Betero man te boti, ao e nakonako i aon te ran n nako ni Iesu.

30 Ao ñke e nora te añ ba e baibati, ao e maku; ao ñke e a tiba moa n inako, ao e takarua ni kañai, Te Uea, ko na kamaiuai.

31 Ao Iesu e arora naba baina n taua, ao e taku nako ina, Ko aera ñkai ko nanokokoraki, ñkoe ae e karako am oñimaki?

32 Ao ñke a toka n te boti, ao e baka te añ.

33 Ao a roko kain te boti ni bo-baraki n taromauria, ao a taku, Bon Natin te Atua ñkoe.

34 ¶ Ao ñke a ri aon te nama, ao a roko n te aba are Kenetere-ta.

35 Ao ñke a ata teurei kain te aba arei, ao a kananako ni kabuta te aba arei, ao a kabaneia ake a aoraki ni uoti'a nako ina;

36 Ao a butia ba a na ti riña naba buruburun ninirana: ao ake a riña, ao a kamaiuai.

MAKORONA XV.

Ao a nako ni Iesu tani koro-boki ma Baritaio, ake kain Ierutarem, ao a taku,

2 A aera ñkai a ri aon aia taeka nikawai bakatibu am reirei? ba a'ki teteboki bai'a ñkana a kañi berena.

3 Ao e kaekaia ni kañai, Ao ñkami, kam aera ñkai kam ri aon ana taeka te Atua n ami taeka nikawai?

4 Ba e tua te Atua, ni kañai, Ko na akoa tamam ao tinam: ao, Ane karereanti nakon tamana ke tinana, ao ke' mate,

5 Ma kam taku, ba ane kañai nakon tamana ke tinana, Ai te karea te baere riái ba ko na akoki iai irou,

6 Ao e aki bae ni maña akoa tamana ma tinana. Ma ñaia ae kam ri aon ana taeka te Atua n ami taeka.

7 Ñkami aika tani mamana-te-aba, E eti ana taeka Itaia ñke e taekiniñkami ni kañai,

8 A kaniai aomata aikai ni wiia, ao a karaoiroai n riáia; ma a raroa nanoia mairou.

9 Ma akea manen aia taromauriai, ba a reirei'a aomata aia taeka ba au taeka.

10 Ao e wetei'a aomata, ao e taku nako ia, Kam na oño, ao ataia:

11 Ane rin n te wi, ao e aki kamaraea te aomata; ma ane nako man te wi, ao e kamaraea te aomata.

12 Ao a nako ina ana reirei, ao a taku nako ina, Ko atai'a Baritaio, ba a un, ñke a oño te taeka arei?

13 Ma e kaekaia ni kañai, A na bane n taekaki aroka nako aika aki unikaki iroun Tamau are i karawa.

14 Tai mutiakinia: bon tani kairi'a mataki aika mataki. Ao ñkana e kaira te mataki te mataki, ao ane a na uaia ni baka n te marua.

15 Ao e kaeka Betero ni kañai, Ko na kaota te taetae ni kaiko-naki aei nako ira.

16 Ao e taku Iesu, Ao ñkami, kam babaña naba?

17 Kam tuai n ataiā, ba ane rin n te wi, ao e roko n te biroto, ao e a maña kakiaki ni nena?

18 Ma baika nako man te wi, ao a nako naba man te nano; ao a kamaraea te aomata.

19 Ba a nako man te nano nano aika buakaka, te kamatea te aomata, te kimoa bun te aomata, te bo ma te nikiranroro, te ira, te bukibuki, ao te taetae-buaka nakon te Atua.

20 A kamaraea te aomata bai-kai: ma e aki kamaraea te aomata te kañ amarake, ñkana a'ki tebokaki baina.

21 ¶ Ao e nako maiā Iesu, ao e nako n te aba i rarikin Turo ma Titon.

22 Ao noria, e roko te aine ae te I-Kanaan, man te aba arei, ao e takarua nako ina, ni kañai, Te Uea, ae Natin Tawita, ko na nanoañai; e bati taniakin nanon natu te aine iroun te taimonio.

23 Ao ñaia e aki ñoñoño nako ina. Ao a roko ana reirei, ao a butia ni kañai, Ko na kanakoa neiei; ba e takarua i akura.

24 Ao ñaia e kaekaia ni kañai, I kanakoaki nakoia ti tibu aika bua, aika ana utu Iteraera.

25 Ao e roko neierei, ao e bo-baraki n taromauria, ao e taku, Te Uea, ko na buokai.

26 Ao e kaeka ni kañai, E aki riai te anai kanaia nati n tetewe nakoia kamea.

27 Ao e taku neierei, Te koaua, Te Uea; ma kamea a boni kañi tamruru ake a baka maui baoni kanaia aia toka.

28 Ao Iesu e kaeka iai ni kañai, Neiko, e ababaki am onima-

ki: e na karaoaki nako im n ai aron ane ko tañiria. Ao e kamaiuaki natina n te aua arei.

29 Ao e kitana ikekei Iesu, ao e nako rarikin namani Kariraia; ao e ararake n te mauña teuana, ao e tekateka iai.

30 Ao a nako ina aomata aika uanao, ao a kairi'a mauku, ma mataki, ma ake a babaña taetae, ma ake a uruaki bain rabataia, ao raoia n aoraki aika bati, ao a katukuia i rarikini waen Iesu; ao e kamaiuia:

31 Ao a mimi aomata, ñke a noria ba a taetae ake a babaña taetae, ao ba a maiu ake a uruaki bain rabataia, ao ba a nakonako mauku, ao ba a noraba mataki; ao a neboa Atuaia Iteraera.

32 Ao Iesu e wetei'a ana reirei, ao e taku, I nanoañai'a aomata aikai, ba a mena irou teni boñ ñkai, ao akea kanaia: ao I aki kani kanakoia ñkai a baki, ba a kawa ni kua n te kawai.

33 Ao a taku ana reirei nako ina, E na reke maia iroua n te rereua te berena ae tau ba e na kañacia aomata aika uanao?

34 Ao e taku Iesu nako ia, Iraua te berena iroumi? Ao a taku, Itua, ma ika aika uarereke aika ti tabeman.

35 Ao e tuañia aomata ba a na tekateka i aon tano.

36 Ao e anai berena ake itua, ao ika, ao e tataro, ao e tabeutai, ao e añania ana reirei, ao reirei a maña añania aomata.

37 Ao a bane n amarake, ao a ñae; ao a ikoti nikirani kanaia ake a tabeutaki, ao a on itikora te baene iai.

38 Ao ake a tia n amarake aña te mane; ariaoaki aine ao ataei.

39 Ao teuarei e kanakoia aomata, ao e toka n te boti, ao e nako n te aba are Maketara.

MAKORONA XVI.

Ao a roko Baritaio ma Tatu-kaio, ni kataia, ao a butia ba e na kaota te kanikina mai karawa nako ia.

2 Ao ñaia e kaekaia ni kañai, Ñkana e a tairiki, ao kam taku, E raoi karawa: ba e uraura rarikini karawa.

3 Ao ñkana e a tiba inaboñ, E buaka karawa n te ñaina aei: ba e uraura rarikini karawa, ao e roro. Tani mamana-te-aba ñkami, kam kina uani karawa; ma kam aki kona ni kina kanikina-eani boñ aikai?

4 A ukoukora te kanikina te roro ae buakaka ae babakanikawai; ao a na'ki añanaki te kanikina, ma a na añanaki Iona are te burabeti ba te kanikina. Ao e kitania, ao e nako.

5 ¶ Ao ñke a roko i maealon te nama ana reirei, ao a akamani manuoka te ua berena.

6 Ao e taku Iesu nako ia, Kam na taratarainkami ni kawakiniñkami nakon aia buroburo Baritaio ma Tatu-kaio.

7 Ao a iaño irouia ni kañai, Tao kioina ñkai ti aki ua berena.

8 Ao Iesu, ñke e ataia, ao e taku nako ia, Ñkami aika a karako ami onimaki, kam aera ñkai kam iaño iroumi, ba kam aki ua berena?

9 Kam tuai n ataia, ao kam aki urini berena ake nimaia ake aia bai ake nimaña, ao irakora baene ake kam ikoti iai?

10 Ao berena ake itua ake aia bai ake aña, ao irakora baene ake kam ikoti iai?

11 Kam aera ñkai kam aki ataia, ba I aki taekina te berena nako imi, ba kam na kawakiniñkami nakon aia buroburo Baritaio ma Tatu-kaio?

12 Ao a ataia iai, ba e aki tuañia ba a na kawakinia nakon buroburon te berena, ma a na kawakinia nakon aia reirei Baritaio ma Tatu-kaio.

13 ¶ Ao ñke e nako Iesu n te aba are Kaitareia Biribi, ao e titirakinia ana reirei ni kañai, A taku aomata ba antai ñai, ae Natin te aomata?

14 Ao a kañai, A taku temañina, ba Ioane are te Tia babetito; ao temañina, ba Eria; ao temañina, ba Ieremia, ke te burabeti temana.

15 E taku nako ia, Ao ñkami, kam taku ba antai ñai?

16 Ao e kaeka Timoni Betero ni kañai, Te Kristo ñkoe, are Natin te Atua are maiu.

17 Ao e kaeka Iesu ni kañai, Ko a kabaia Timon, ae natin Iona: ba e aki kaota aei nako imi te iriko ma te rara, ma e kaotia Tamau are i karawa.

18 Ao I taku nako im, Ba te atibu ñkoe, ao N na katea au ekaretia i aon te atibu aei; ao a bon aki kataea ana kai matarooni mone.

19 Ao N na añaniko kiñin uean te Atua; ao ane ko kabaea i aon te aba, ao e a maña kabaeaki i karawa; ao ane ko kabara i aon te aba, ao e a maña kabarakaki i karawa.

20 Ao e tuañia ana reirei, ba a na'ki tuañia aomata ba te Metia.

21 ¶ I mwini boñ akekei e moa ni kaotia Iesu nakoia ana reirei, ba e riai nakona nako Ierutarem, ao bainikirinana ae bati irouia unimane ma iboña ake a kakanato ma tani koroboki, ao kama-teana, ao mañautina n te kateni-boñ.

22 Ao Betero e taua, ao e boaia, ao e taku, Te Uea, e na

nanoānaiko te Atua: e na'ki roko aei iroum.

23 Ao e rairaki, ao e taku nakoni Betero, Nako aku, Tatan: kabakau nakon te buakaka űkoe: tiaki aron nanon te Atua nanom, ma aron nanoia aomata.

24 Ao e taku Iesu nakoia ana reirei, Ane kan ri mwiu, ao ke' kakea boāna, ao ke' tabeka ana kaibaānaki, n irai.

25 Ba ane kani kawakina maiuna, ao e kabua iai: ma ane kabua maiuna i buku, ao e karekea.

26 Ba tera kabaian te aomata, űkana tao e kareke aba ni kabane, ni kabua tamneina iai? ao tera ae e na āna te aomata ba bon tamneina?

27 Ba ane e na nako mai Natin te aomata ma neboakin Tamana ma ana anera; ao ane e na ānania aomata ni kabaneia aia bai nako, ni kaeti ma aia makuri.

28 E koaua au taeka nako imi, ba a na'ki kata te mate tabemañ i buakoia aika tei ikai, űkana a tuai n nora Natin te aomata, űkana e nako mai ma ueana.

MAKORONA XVII.

Ao Iesu i mwin ono-boñ e wetea Betero, ma Iakobo, ma Ioane are tarina, ao e kairi'a nakon te mauña ae rietata ni kaokoroia;

2 Ao e onikaki i mataia: ao e ota moana n ai aron tai, ao e mainaina kunikaina n ai aron te ririña.

3 Ao akea ba e kaoti i mataia uakekei Mote ma Eria n taetae ma ānaia.

4 Ao e taetae Betero, ao e kañai nakoni Iesu, Te Uea, e raoiroi menara ikai: űkana ko tañiri uma, ao ti na katei tenua ikai; teuana umam, teuana umani Mote, ao tuana uman Eria.

5 Ao űke e tabe n taetae, ao

akea ba e rabunia te nañ ae raneanea; ao noria, te bana man te nañ, ae kañai, Natu ae tañiraki aei, ae I kakatoña irouna; kam na oño irouna.

6 Ao űke a oño ana reirei, ao a baka ni bobaraki, ao e bati te maku irouia.

7 Ao e nako ia Iesu, ao e riñia, ao e taku, Tei rake, ba tai maku.

8 Ao űke a kaeka mataia, ao a'ki nora temana, ba bon ti Iesu.

9 Ao űke a ruo man te mauña, ao e tuānia Iesu, ni kañai, Kam na tai tuānia aomata baike kam nori, űkana e tuai n uti man te mate Natin te aomata.

10 Ao a titirakina ana reirei, ni kañai, A aera űkai a taku tani koroboki ba e riai ba e na nako mai moa Eria?

11 Ao e kaekaia Iesu ni kañai, E bon nako mai moa Eria, ao e kaeti bai ni kabane.

12 Ma I taku nako imi, ba e a tia n roko Eria, ao a'ki kina, ma a karaoi nako ina baikana a kani karaoi. Ao ane e na bainikiri-naki Natin te aomata irouia n ai arona.

13 Ao a ataia iai ana reirei, ba e taekina Ioane are te Tia babetito nako ia.

14 ¶ Ao űke a roko uakekei i rariki'a aomata, ao e nako ina te aomata temana, ao e katorobubua i matana, ao e taku,

15 Te Uea, ko na nanoānae natu te mane; ba e rañ, ao e bati marakina: ao e bati bakana n te ai, ao n te ran.

16 Ao I uotia nakoia am reirei, ao a'ki kona ni kamaiua.

17 Ao e taetae Iesu, ao e taku, Te roro ae aki onimaki, ae buakaka, ira-boñ au boñ ni mena iroumi? ira-boñ au boñ n taona nanou nako imi? Uotia mai nako iu.

18 Ao e boa te taimonio Iesu ; ao e oti nako te taimonio mai nanona ; ao e maiu naba te tei n te aua arei.

19 Ao a nako ni Iesu ana reirei, ũke e a okoro, ao a taku, Ti aera ũke ti aki kona ni kanakoa te baerei?

20 Ao e taku Iesu nako ia, Kam aki kona ba akea te onmaki iroumi : ba e koaua au taeka nako imi, ba ũkana iai te onimaki iroumi n ai aron uan te makeke, ao ũkana kam kaũai nakon te mauũa ane, Mae ũkoe, nako ikekei ; ao e boni mae iai : ao bon akea te bai teuana ae kam aki kona.

21 Ma aki oti nako taimonio aika ai aron te baerei, ma a oti nako n te tataro ma te aki-mamatam.

22 ¶ Ao ũke a maeka i Kariraia, ao e taku Iesu nako ia, Ane e na kamaneaki Natin te aomata nako nanoni bai'a aomata :

23 Ao ane a na kamatea, ao ane e na maũa uti n te kateniboũ. Ao a bati nanokawaki'a iai.

24 ¶ Ao ũke a roko i Kabere-naum, ao a nako ni Betero tan ikoikoti maneni maneaben te Atua, ao a taku, E aũa maneni maneaban te Atua ami Tia reirei ke e aki?

25 E taku, E aũa. Ao ũke e roko i nanon te bata, ao e tae-tae moa Iesu nako ina, ao e taku, Tera nanomi, Timon? A anai aia mane uan aon aba mairouia antai? mairouia nati'a, ke mairouia akana tiaki nati'a?

26 E taku Betero nako ina, Mairouia akana tiaki nati'a. E taku Iesu nako ina, Ma naia ae a inaomata nati.

27 Ma ko na nako n te nama n tewea nako te matau, ao tabeka te ika ane moa n aitaki ; ao ũka-

na ko kaurea wina, ao ko nora te abe-tara iai : ao ko anaia n aũania i buku ma ũkoe, ba ti rawa ni kabakaia nakon te buakaka.

MAKORONA XVIII.

Ao a nako ni Iesu ana reirei n te boũi naba arei, ao a taku, Autai ae kakanato riki n uean te Atua?

2 Ao Iesu e wetea te tei ae uarereke, ao e kaki i buakoia,

3 Ao e taku, E koaua au taeka nako imi, ba ũkana kam aki rairi nanomi, ao ũkana kam aki kato-toũ aroia ataei aika uarereke, ao kam aki rin n uean te Atua.

4 Ma ũaia ae ane karinanoa n ai aron te tei aei, ao moan te kakanato n uean te Atua.

5 Ao ane akoa temana te tei ae ai aron aei, i bukin arau, ao e akoai naba.

6 Ma ane kabaka nakon te buakaka temana irouia aikai aika uarereke aika ira nanou, ao e maiu riki ũkana e tauraki te atibu n ii baraua i rooroana ni kainakoaki i marawa.

7 E kananoaũa te aba i bukini kabakaia aomata nakon te buakaka ! ba a bon tai roko kabakaia ; ma e na reke kain te aomata ane kabakabaka !

8 ũkana e kabakako nakon te buakaka baim ke waem, ao koroia, ao tewea nako mairoum ; e raoiroi riki rinim n te maiu ũkana ko mauku, ke ũkana e uruaki bain rabatam, nakon teweakinakom nakon te ai are aki mamamate, ũkana uai baim, ke uai waem.

9 Ao ũkana e kabakako nakon te buakaka matam, ao ko na autia, ao tewea nako mairoum ; e raoiroi riki rinim n te maiu ũkana teuana matam, nakon teweaki-

nakom nakon te ai are i Keena, ñkana uoua matam.

10 Kam na taratarainkami ba kam na'ki riba temana irouia aika uarereke aikai; ba I taku nako imi, A'ki toki aia anera n taratara moan Tamau are i karawa.

11 Ba e roko Natin te aomata ni kamaiua ane bua.

12 Tera nanomi? ñkana tao teububua ana tibu te aomata, ao e tiotio nako temana mai buakoia, ao tiaki e kitania ake ruanauni ma ruaman, ao e nako ni mauña n ukoukora are tio nako?

13 Ao ñkana tao e reke irouna, ao e koaua au taeka nako imi, ba e kimareirei riki i bukin te tibu arei, nakoia ake ruanauni ma ruaman ake a'ki tiotio nako.

14 Ao ai aron naba Tamami are i karawa, ñkai e aki tañira maten temana i buakoia aika uarereke aikai.

15 Ao ñkana e buakaka tarim nako im, ao ko na nako n tuaña ana buakaka, ñkana ti ñkoe ma ñaia: ao ñkana e oño iroum, ao ko ana nanon tarim iai.

16 Ao ñkana e rawa n oño, ao ko na kaira temana ke uoman iroum, ba e na kakoauaki te taeka ni kabaneaki ni wiia tani kakoauai taeka uoman ke teniman.

17 Ao ñkana e rawa n oño irouia, ao ko na tuaña te ekaretia: ao ñkana e rawa n oño iroun te ekaretia, ao ke' atonaki iroum ba te bekan, ao te tia ikoikoti ana mane te uea.

18 E koaua au taeka nako imi, ba akana kam kabae i aon te aba, ao a na maña kabaeaki i karawa; ao akana kam kabara i aon te aba, ao a na maña kabarakaki i karawa;

19 Ao I a maña taku nako imi,

Ñkana a bo nanoia uoman iroumi i aon te aba nakon ane a na buti, ao a añanaki iroun Tamau are i karawa.

20 Ba ike a botaki iai uoman ke teniman n arau, ao ñai I meua naba iai i buakoia.

21 ¶ Ao e nako ina Betero, ao e taku, Te Uea, tao iraua ana buakaka taru nako iu, aika N na kabara? tao toku itua?

22 E taku Iesu nako ina, I aki taku nako im, ba tokim itua; ma tokim itinaun itua.

23 Ma ñaia aei, uean te Atua ai aron te uea temana, are kani kaeti ana bai ma ana toro nako.

24 Ao ñke e moa ni kaeti bai, ao e kairaki nako ina temana, ae riai ba e na añana terebu te tarena.

25 Ao akea ana bai n aña, ma ñaia are e tua teuarei ana toka, ba e na kaboaki ma buna, ma natina nako, ma ana bai nako, ba e na kareke bon ana bai.

26 Ma ñaia are e bobarakaki te toro ni butia, ao e kañai, Te Uea, ko na tai ewa nako iu, ba I a bon tai añaniko am bai ni kabane.

27 Ao te toka, e nanoañaea ana toro arei iai, ao e kanakoa, ao e tuaña ba e a tau, ba e a aki añana.

28 Ao e nako te toro arei, ao e bo ma raona n toro temana, ae riai ba e na añana teububua te raiara; ao e taua ni kona roroana, ao e taku, Kamai are riai ba ko na añanai.

29 Ao raona n toro e bobarakaki i rarikini waena, ni butia, ao e kañai, Ko na tai ewa nako iu, ba I a bon tai añaniko am bai ni kabane.

30 Ao ñaia e rawa; ao e nako ni kaki i nanon te bata ni kaika-in, ba e na mena iai ni karokoa

te boñ are e na añana ana bai iai.

31 Ao raona nako n toro, a nori baike a karaoaki, ao e bati nanokawaki'a iai, ao a nako n tuaña aia toka bai ni kabane ake a karaoaki.

32 Ao ana toka e weteia, ao e taku nako ina, Te toro ae ko buakaka, I tuañko ñkoa, ba e a tau ba ko a aki añanai te bare au mane, ba kioina ñke ko butiai :

33 Ao tiaki e riai, ba ko na maña nanañaea raom n toro, n ai arou ñke I nanañaike ?

34 Ao e un ana toka, ao e añania tani kabaebae, ba e na mena irouia ni karokoa to boñ are e na añana ana bai ni kabane iai.

35 Ao ai aron naba ana makuri Tamau are i karawa, nako imi, ñkana kam aki kabara aia buakaka tarimi mai nanomi.

MAKORONA XIX.

Ao ñke e kabane taeka aikai Iesu, ao e kitana Kariraia, ao e nako n te aba are i rarikin Iutaia are i mainikun Ioretan ;

2 Ao a iria aomata aika uanao ; ao e kamaiuia iai.

3 ¶ Ao a nako ina Baritaio, ni kataia, ao a taku nako ina, E riai ñkana e kanakoa buna te aomata i bukini bai nako ?

4 Ao e kaekaiia ni kañai, Tiaki kam a tia ni wareka taekan te uare karaoi'a aomata i moani karikan te aba, ba e karaoi'a ba te mane ao te aine,

5 Ao e kañai, Ma ñaia ae e na kitana tamana ao tinana te aomata n nim ma buna : ao a na riki n te iriko ae ti teuana naka uoman ?

6 Ma ñaia ae tiaki uoman rimwi nakai, ba te iriko ae ti teuana. Ma ñaia ae akana e kabo te

Atua, ao ke a tai motiki'a aomata.

7 A taku nako ina, Ao e aera Mote ñke e tua te aña te boki ni kananako, ao te kanakoa te aine ?

8 E taku nako ia, E aki tuki-ñkami Mote ñke kam kaki bumi, ba e bati matoatoan nanomi : ma tiaki arona ñke e moa ni karikaki te aba.

9 Ao I taku nako imi, ba ane kaki buna ñkana e tuai ni wene ni buakaka, ao e a maña buna te aine temana, ao e wene ni buakaka iai : ao ane buna neiere kakiaki, ao e wene ni buakaka iai.

10 A taku nako ina ana reirei, Ñkana ai aron ane aron te mane ma buna, ao e aki riai te iein.

11 Ao e taku nako ia, A'ki kona n taua te taeka aei aomata ni kabaneia, ma a kona ake a añanaki tauana.

12 Ba bon iai iunaki tabemañ, aika buñiaki ba iunaki mai birotia tinaia : ao bon iai iunaki tabemañ, aika kaiunakiaki irouia aomata : ao bon iai iunaki tabemañ, aika kaiunaki'a, bon irouia, i bukin uean te Atua. Ane kona n taua aei, ao ke' taua.

13 ¶ Ao a uotaki nako ina ataei aika uarereke, ba e na kaki baina i aoia n tataro : ao a boai'a ana reirei.

14 Ao e taku Iesu, Kanakomai'a ataei aika uarereke, ao tai tuki nakoia nako iu ; ba ai aroia kain uean te Atua.

15 Ao e kaki baina i aoia, ao e nako maiiai.

16 Ao noria, e roko te aomata temana, ao e taku nako ina, Te Tia reirei ae raoiroi, tera te bai ae raoiroi ae N na karaoia, ba N na karekea te maiu are aki toki ?

17 Ao ñaia e taku nako ina, Ko

aera űkai ko atonai ba I raoiroi? Akea temana ae raoiroi, ba bon ti te Atua: ma űkana ko kan rin i nanon te maiu, ao ko na tau taian tua.

18 E taku teuarei nako ina, Tua ake a kaűa? Ao e taku Iesu, Tai kamamateia aomata űkoe, Tai wene ni buakaka űkoe, Tai ira űkoe, Tai bukiűbuki űkoe,

19 Ko na karinea tamam ma tinam: ao Ko na taűiri'a aomata n ai arom, űkai ko taűiriko.

20 E taku te roroűa nako ina, I tou mwin taeka aikai ni kabane ma űke te tei űai: Tera ae akea irou űkai?

21 E taku Iesu nako ina, űkana ko kan riki ni moan te raoiroi, ao ko na nako ni kabo am bai nako n aűania akana aki kaubai, ao e na reke am bai i karawa iai: ao nako mai n irai.

22 Ao űke e oűo te taeka arei te roroűa, ao e nanokawaki n nako; ba a bati ana bai.

23 ¶ Ao e taku Iesu nakoia ana reirei, E koaua au taeka nako imi, ba ane kaubai ao e roko maki n uean te Atua.

24 Ao I a maűa taku nako imi, E kai riu te kamero ni baűabaűan te neiran nakon ane kaubai, űkana e kan rin n uean te Atua.

25 Ao űke a oűo ana reirei, ao a kuba ni mi roaroa, ao a taku, Ma űaia ae antai ae konaki ni kamaiuaki?

26 Ao e taratarai'a Iesu, ao e taku nako ia, E aki konaki bane irouia aomata; ma a konaki bai nako iroun te Atua.

27 ¶ Ao Betero e kaeka ni kaűai, Noria, ti kitani bai ni kabane, ao ti iririko; ao tera ara bai?

28 Ao e taku Iesu nako ia, E koaua au taeka nako imi, ba űkana e tekateka Natin te aoma-

ta i aoni baona are tamaroa, n te maűamaűu, ao űkami, aika kam irirai, ane kam na tekateka i aoni bao aika teűwi ma uoua, ni kaeti taekaia utu ake Iteraera ake teűauni ma ua-utu.

29 Ao ane kitana batana, ke tarina, ke manena, ke tamana, ke tinana, ke buna, ke natina, ke abana, i bukin arau, ao e na aűanaki iai teűubua, ao e reke irouna te maiu are aki toki.

30 A bati akana a rimoa aika na riki n rinwi; ao akana a rimwi aika na riki n rimoa.

MAKORONA XX.

UEAN te Atua, ai aron te aomata ae te tia tau-taeka n te bata teuana, are nako űke e a tiba iűaboű ni wetei'a tani makuri nakoni nen arokana te kurebe.

2 Ao űke e katau bon aia makuri tani makuri ma űai'a, ba tatabeua te raiara n te boűina, ao e kanakoia nakoni nen arokana te kurebe.

3 Ao e a maűa oti nako n te katen-aua, ao e nori'a aomata tabemaű ba a tei n aori'a n te bata ni bobai,

4 Ao e taku nako ia, Kam na nako ni nen te kurebe, ao I a aűaniűkami baika riai. Ao a nako.

5 Ao e a maűa oti nako, űke e a tauanou ao n te karua-aua, ao e a maűa katotoűa naba arona are rimoa.

6 Ao e a maűa oti nako n te aua are te kateűwi-ma-teuana, ao e a maűa nori'a aomata tabemaű ba a tei n aori'a, ao e taku nako ia, Kam aera űkai kam bon aoriűkami n teitei n ua te boű?

7 A kaűai nako ina, Akea ae kamakurira. E taku nako ia, Kam na nako naba nakoni nen

te kurebe; ao ane riai, ao kam na aňanaki.

8 Ao ńke e a boń, ao e taku te toka are arokana te kurebe nakon ana touati, Wetei'a tani makuri, ao aňania nako bon aia makuri, n aňania moa uake a roko rimwi, ao rimwi uake a roko rimoa.

9 Ao ńke a roko uakeke a kamakuraki n te aua are te katebwi-ma-teuana, ao a aňanaki tatabeua te raiara.

10 Ao ńke a roko uakeke a moa ni kamakuraki, ao a taku i nania ba a nan aňanaki baika maiti riki; ao a aňanaki naba tatabeua te raiara.

11 Ao ńke a aňanaki, ao a bańantaeka nakon te tia tau-taeka n te bata arei,

12 Ao a taku, A makuri uaka roko rimwi ti teuana te aua, ao ko kabotaunari'a ma ńaira aika ti aki ońoi matera i an te ririńa n te boń aei.

13 Ao ńaia, e kaeka temana irouia, ni kańai, Raou, I aki babakanikawai nako im: tiaki ko kataua te raiara nako iu?

14 Uota am bai; ao an nako: I kan aňan ae rimwi ni kaboroaia ma ńkoe.

15 Tiaki e riai ba N na taua aron au bai? E buakaka matam, ńkai I raoiroi?

16 Ao ai arona naba, ane a na riki n rimoa akana rimwi, ao ane a na riki n rimwi akana rimoa: ba a weteaki aomata aika bati, ma a karako aika rineaki.

17 ¶ Ao ńke e waerake Iesu nako Ierutarem, ao e kaokoroia ana reirei ake teńauni ma uoman i nanon te kawai, ao e taku nako ia,

18 Noria, ti waerake nako Ierutarem; ao ane e na kamaneaki Natin te aomata nakaia ibońa

aika kakanato ma tani koroboki, ao ane a na motika taekana ba te mate;

19 Ao ane a na aňania Bekan ba a na bainikirina, ao ba a na kataerea, ao ba a na kamatea n te kaibańaki; ao e na mańa uti n te kateni-boń.

20 ¶ Ao e nako ina iai tinaia natin Tebetaio ma natina mane, ao e butia te bai teuana.

21 Ao ńaia e taku nakon neierei, Te ra ae ko tańiria? E taku nako ina, Ka na tua ba a na tekateka natu aika uoman, temana i ańataim, ao temana i ańamainim, n ueam.

22 Ao e kaeka Iesu ni kańai, Kam aki ata ane kam bubuti. Kam kona ni moi n te mańko are N nani moi iai, ao Kam kona ni babetitoaki n te babetito ae I babetitoaki iai? A taku nako ina, Ti kona.

23 Ao e taku nako ia, Ane kam na boni moi n au mańko, ao ane kam na babetitoaki n te babetito ae I babetitoaki iai: ma tiaki aubai te ańa te tekateka i ańataiu, ao i ańamainu, ma aubai te ańania ake a moti buki'a iroun Tamau.

24 Ao ńke a ońo uake teńaun, ao a un nakoia tari ake uoman.

25 A e wetei'a Iesu, ao e taku, Kam ataia ba a mataniwi'a Bekan aia uea, ao a tou naba aroia ake moaia.

26 Tiaki aromi aei: ma ane kani kakanato i buakomi, ao ke' riki n ami kauńa.

27 Ao ane kan riki ni moami, ao ke' riki n ami toro:

28 N ai aron naba Natin te aomata ńkai e aki nako mai, ba e na kauńana te aba, ma e roko ba e na kauńanaki, ao ba e na ańa maiuna ba kamaiuaia aomata aika bati.

29 ¶ Ao nke a nako mai Ieriko, ao a iria aomata aika uanao.

30 Ao noria, uoman te mataki aika tekateka i rarikin te kawai; ao nke a oño ba e ri rariki'a Iesu, ao a takarua ni kañai, Ko na nanoañaira, Te Uea ae Natin Tawita.

31 Ao a boai'a mataki to koraki, ba a na kainababu; ma a bon takarua riki, ao a taku, Ko na nanoañaira, Te Uea ae Natin Tawita.

32 Ao e tei Iesu, ao e wetei'a, ao e taku, Tera ae kam taniria, ba N na karaoia nako imi?

33 A taku nako ina, Te Uea, a na kaureaki matara.

34 Ao e nanoañai'a Iesu, ao e rini mataia; ao a karina mataia n noraba, ao a iria.

MAKORONA XXI.

Ao nke a kania Ierutarem, n roko i Betebake, i rarikin te mauña are Oriweta, ao Iesu e kanakoia ana reirei uoman,

2 Ao e taku nako ia, Kam na nako n te kawa are i maimi, ao ane kam na butika ma te ati ane roaki, ao natina irouna: kabara, ao kairi'a mai nako iu.

3 Ao nkana tao e taetae nako imi te aomata temana, ao kam na kañai, E ri iai te Uea; ao e a kanakoia naba.

4 Ao a roko baikai ni kabane, ba e na kakoauaki are atonaki iroun te burabeti, nke e kañai,

5 Kam na kañai nakon natin Tion te aine, Noria, e nako im am Uea, ae nimamanei, ae toka i aon te ati, ao natin te ati.

6 Ao a nako ana reirei, ao a toua mwin ana taeka Iesu nako ia,

7 Ao a kaira te ati, ma natina, ao a katiku kunikaia i aoia, ao a katoka Iesu iai.

8 Ao a kawene kunikaia aomata aika uanao i nanon te kawai; ao a koro mañani kai aomata temañina, ao a kawene i nanon te kawai.

9 Ao a takarua aomata ake a ri moana, ao ake a ri mwina, ao a taku, Otana nakon Natin Tawita: E na karaoiroaki teuae nako mai n aran te Atua; Otana ike moan te rietata.

10 Ao nke e roko i Ierutarem, ao e kiriwe te kawa ni kabanea, ao a taku, Antai aei?

11 Ao a taku aomata, Iesu aei, are burabeti n Natareta i Kari-raia.

12 Ao e roko Iesu ni maneaban te Atua, ao e kabaneia ni kaki-oia ake a bobai ao ake a kabobai n te maneaba, ao e karaña nen aia mane tani kabo mane, ao kaintokaia tani kabo taobe.

13 Ao e taku nako ia, E korobokiaki ni kañai, E na atonaki batau ba te bata n tataro; ma kam karaoia ba neia tan ira.

14 Ao a nako ina mataki ma mauku ni maneaban te Atua; ao e kamaiuia.

15 Ao iboña ake a kakanato ma tani koroboki, nke a nori ana bai ni kamimi ake e karaoi, ma to koraki n ataei ba a takarua ni maneaban te Atua ni kañai, Otana nakon Natin Tawita, ao a nanobuaka,

16 Ao a taku nako ina, Ko oño aia taeka aikai? Ao e taku Iesu nako ia, I oño; kam tuai ni wureka te taeka are kañai, Ko krika te kamoamo ma wii ataei aika uarereke ao merimeri?

17 Ao e kitania, ao e nako man te kawa nako Betania, ao e matu iai.

18 ¶ Ao nke e a tiba inabon, nke e tabe n oki nakon te kawa, ao e baki.

19 Ao e nora te biku tekaina i rarikin te kawai, ao e nako iai, ao e nori ti bana naba, ao e taku nako iai, E na tai oki n riki uam.

20 Ao e aki tai maten te biku. Ao nke a noria ana reirei, ao a mimi, ao a taku, Ai aki tai ra maten te biku.

21 E kaekaia Iesu ni kañai, E koaua au taeka nako imi, ba nkana iai te onimaki iroumi, ao nkana kam aki nanokokoraki, ao kam kona ae karaoaki nakon te biku, ao nkana kam kañai nakon te mauña aei, Ko na tabekaki nako, n teweaki nako marawa; ao e a karaoaki naba.

22 Ao bai ni kabane, aika kam bubuti n te tataro, n onimaki, ao kam na añanaki.

23 ¶ Ao nke e roko ni maneban te Atua, ao a nako ina iboña ake a kakanato ma aia unimane kain aon te aba, nke e tabe n reirei, ao a taku, Ko karaoi baikai n antena taeka? ao antai ae tuañko ba ko na karaoi baikai?

24 Ao e kaekaia Iesu ni kañai, N na titirakininkami te bai teuana, ao nkana kam tuañai, ao ñai I a maña tuañnkami naba teuare tuañai ba N na karaoi baikai.

25 Ana babetito Ioane, maia? mai karawa, ke mairouia aomata? Ao a iaño irouia, ao a taku, Nkana tao ti kañai, Mai karawa, ao ane e na kañai nako ira, Ao kam aera nke kam aki ira nanona?

26 Ao nkana tao ti kañai, Mairouia aomata; ao ti makuia aomata; ba a bane n taku aomata ba te burabeti Ioane.

27 Ao a kaeka Iesu ni kañai, Ti aki ataia. Ao e taku nako ia, Ao ñai I aki tuañnkami naba teuare tuañai ba N na karaoi baikai.

28 Ao tera nanomi? Temana te aomata ae uoman natina mane, ñkoa; ao e nako n te karimoa, ao e kañai, Natu, ko na nako ni makuri ni nen arokau te kurebe n te boñ aei.

29 Ao e kaeka ni kañai, I rawa; ao rinwi e raira nanona, ao e nako.

30 Ao e a maña nako n te karimwi, n tuaña naba. Ao e kaeka ni kañai, a Te Toka, I nako; ao e aki nako.

31 Antai ae toua mwin ana taeka tamana irouia uake uoman? A taku nako ina, Te karimoa. E taku Iesu nako ia, E koaua au taeka nako imi ba a ri moami tan ikoikoti ana mane te uea, ao nikiranroro nakon uean te Atua.

32 Ba e nako imi Ioane ni kawain te raoiroi, ao kam aki ira nanona; ma a ira nanona tan ikoikoti ana mane te uea, ao nikiranroro: ao nke kam noria, ao kam aki rairi nanomi rimwi, n ira nanona.

33 Kam na oño te taetae ni kaikonaki teuana: Te aomata temana ñkoa ae te tia tau-taeka n te bata teuana, ae uniki kurebe ni neia, ao e oi rarikiia ao e kena nen taonani kurebe i nanona, ao e katea te bata ni karan ae rietata, ao e añania tan ribana, ao e nako n te aba ae raroa:

34 Ao nke a kan tawa uani kurebe, ao e kanakoia ana toro nakoia tan ribana, ba a na añanaki uai.

35 Ao tan ribana, a tauia ana toro, ao a boa temana, ao a kamatea temana, ao a karebana temana n te atibu.

36 Ao e a maña kanakoia toro tabemañ aika maiti riki nakoia akeke rimoa: ao a' maña menakia n ai aroni menaki'a ake rimoa.

37 Ao rimwi e kanakoa natina te mane nako ia, ao e kañai, Ane a na karinea natu.

38 Ao ñke a nora te nati tan ribana, ao a taku irouia, Boni ñaia are nañ ababa rimwi; nako mai, ti na kamatea, ao ti na taua mwin te aba.

39 Ao a taua, ao a kakioa man nen te kurebe, ao a kamatea.

40 Ma ñaia aei, ñkana e roko te toka are arokana te kurebe, ao e na irakinia tan ribana ake-kei?

41 A taku nako ina, Ane e na kareke kaiia aomata ake a buakaka n tiriñia, ao ane e na aña nen te kurebe nakoia tan ribana tabemañ, akana na añana uana ñkana boñina.

42 E taku Iesu nako ia, Kam tuai ni wareka are n te Baibara are kañai, E riki n atun te maniñaniña te atibu are teweaki nako irouia tani katei-bata: bon ana makuri Iehova aei, ao e kamimi i matara?

43 Ma ñaia ae I taku nako imi, E na anaki mairoumi uean te Atua, ao a na añanaki aomata aika kariki uana.

44 Ao ane bakara te atibu aei, ao e na ikoaki iai: ao ane e bakaria te atibu aei, ao e na kama-natua.

45 ¶ Ao ñke a oño ana taetae ni kaikonaki iboña ake a kakanato ma Baritaio, ao a ataia ba e taekinia.

46 Ao a ukoukora tauana, ma a makuia aomata, ba a taku ba te burabeti.

MAKORONA XXII.

Ao e a maña taetae Iesu nako ia n taetae ni kaikonaki, ao e taku,

2 Uean te Atua ai aron te Uea temana, are karaoa te amarake

n te iein i bukin natina te mane,

3 Ao e kanakoaia ana toro ba a na wetei'a ake a tia n tuañaki ba a na amarake n te botaki n amarake: ao a rawa n nako.

4 Ao e a maña kanakoaia toro tabemañ, ao e taku, Kam na kañai nakoia ake a weteki, Noria, I a tia ni katauraoi au amarake: a tiriñaki au kao ao au man aika nenea, ao a tae nañini bai ni kabane: kam na nako n te botaki n amarake.

5 Ao a'ki bwereñaki, ao a nako; temana e nako abana, ao temana e nako n ana bai ni bobai:

6 Ao nikiraia, a tauia ana toro, ao a bainikirinia, ao a kamateia.

7 Ao te uea, ñke e oño, ao e un: ao e kanako ana taña n tiriñia tani kamamate akekei, ao ni kabuoka aia kawa.

8 Ao e taku nakoia ana toro, E a tae nañin te amarake, ma a'ki raoiroi ake a weteki.

9 Ma ñaia ae kam na nako tutani kawai, ao akana kam bo ma ñai'a, ao wetei'a nakon te botaki n amarake.

10 Ao a nakonako ni kawai toro akekei, ao a kabaneia ake a bo ma ñai'a ni botia akana buakaka, ao akana raoiroi: ao e kebo rarikin te amarake n to koraki ae rarikiriki n amarake.

11 Ao ñke e rin te uea ba e na kawari'a ake a rarikiriki n amarake, ao e nora te aomata iai, ae aki karina te kunikai n amarake n te iein.

12 Ao e taku nako ina, Raou, ko aera ñkai ko rin ikai ñkai ko aki karina te kunikai n amarake? Ao e aki kona te taetae.

13 Ao e taku te uea nakoia toro, Kabae baina ma waena, ao uotia nako n tewea nako nanon

te ro are i ao ; te tañ ao te keruatai ni wi iai.

14 Ba a weteaki aomata aika bati, ma a karako aika rineaki.

15 Ao a nako Baritaio, ñkekei, ao a iañoa kamaneana n ana taeka.

16 Ao a kanakoia aia reirei ma raon Erote nako ina, ao a kañai, Te Tia reirei, ti ataiko ba ko koaua, ao ko reirei kawain te Atua ni koaua, ao ko aki mutiakinia aomata ; ba ko aki rinorino ni moaia aomata.

17 Ma ñaia ae ko na tuañira, Tera nanom ? E riai te añani Kaitara ana mane, ke e aki ?

18 Ao Iesu e atai aia buakaka, ao e taku, Tani mamana-te-aba, kam aera ñkai kam katai ?

19 Katerea te mane ane e añañanaki te uea. Ao a uota te raiara nako ina.

20 Ao e taku nako ia, Ante tamneina aei, ao ante korobokiana ?

21 A taku nako ina, Kaitara. Ao e taku nako ia, Ma ñaia ae kam na añani Kaitara akana ana bai Kaitara ; ao añan te Atua akana ana bai te Atua.

22 Ao ñke a oño, ao a mimi, ao a nako ni kitana.

23 ¶ Ao a nako ina n te boñi naba arei to koraki n Tarukaio, ake a taku ba akea te mañauti, ao a titirakina,

24 Ni kañai, Te Tia reirei, e kañai Mote, Nkana e mate te aomata n aki natina, ao ke' buna buna tarina ni karika natin tarina.

25 A mena ñkoa iroura tari mane aika itiman : ao e iein te karimoa, ao e mate n aki natina, ao e kitana buna iroun tarina :

26 Ao ai aron naba te kauoman, ao te kateniman, ao ai aroia nako naba ni kabaneia uake itiman.

27 Ao i mwia ni kabaneia e a maña mate naba te aine.

28 Ma ñaia aei, ante buna neirei irouia uake itiman n te mañauti ? ba a bane ni buna.

29 E kaekaia Iesu ni kañai, Kam kairua, ba kam aki ata te Baibara, ao makan te Atua.

30 Ba e aki iein te aba n te mañauti, ao e aki inai, ba ai aroia ana anera te Atua ake i karawa.

31 Ao ñkai ti taekini mañauti'a mate, ao kam tuai ni wareka ana taeka te Atua nako imi, ñke e kañai,

32 Ñai Atuan Aberaam, ao Atuan Itaaka, ao Atuan Iakoba ? Tiaki Atuaia akana mate te Atua, ma Atuaia akana maiu.

33 Ao aomata, ñke a oño, ao a mimi n ana reirei.

34 ¶ Ao ñke a oño Baritaio ba e kaini wia Tarukaio, ao a botaki.

35 Ao temana irouia, ae te tia koroboki, e titirakina Iesu, ni kataia, ao e taku,

36 Te Tia reirei, tera te taeka ae korakora n te Baibara ?

37 E taku Iesu nako ina, Ko na tañira Iehova are Atua ni burom ni kabanea, ao n tamneim ni kabanea, ao n nanom ni kabanea.

38 Moa te taeka aei, ao e korakora.

39 Ao ai aron naba are te kauoua, are kañai, Ko na tañira raom n ai arom ñkai ko tañiriko.

40 E bane te tua ma aia taeka burabeti n tauraki n taeka aika uoua aikai.

41 ¶ Ao ñke a botaki Baritaio, ao e titirakina Iesu,

42 Ni kañai, Tera nanomi nakoni Kristo ? Ante natina ? A taku nako ina, Natin Tawita.

43 E taku nako ia, Ao e aera

Tawita nke e atoña teuarei iroun te Tamnei ba ana Uea, ni kañai,

44 E taku Iehova nakon au Uea, Ko na tekateka i añataiu, ni kati ai ba N na karaoi'a am kairiribai ba neni katokani waem?

45 Ao ñkai e atoñaki iroun Tawita ba ana Uea, ao e aera ñkai natina?

46 Ao bon akea temana ane kona ni kaeka, ao akea ane aki mamaku n tititirakina i mwin te boñ arei.

MAKORONA XXIII.

E taetae Iesu, ñkekei, nakoia aomata ma ana reirei,

2 Ni kañai, A tekateka tani koroboki ma Baritaio ni kaintokani Mote;

3 Ma ñaia ae kam na kawakini baikana a tuañnkami ba kam na kawakin, ao karaoi naba: ma tai kakairi n aia makuri: ba a tutuatua, ma a'ki karaoi.

4 Ba a kabae uota aika rawawata ao aika kamamate, ao a katoka i aon añaia aomata; ma a rawa n uoti n tabonibai'a teaina.

5 Ma a karaoi aia makuri ni kabane ba a aonon noraki irouia aomata: a karababai aia burakitere, ao a kamarairai buruburun niniraia,

6 Ao a tañiri ne n rarikiriki n amarake aika moan te raoiroi, ao kaintoka aika moan te raoiroi i nanoni maneaba,

7 Ao te ina ni bata ni bobai, ao te atoñaki irouia aomata ba Rabi, Rabi.

8 Ma tai atoñaki ñkami ba Rabi: ba ti temana ami Tia reirei, ba Kristo; ao tari ñkami ni kabaneñnkami.

9 Ao tai atoña te aomata i aon te aba ba tamam: ba ti temana Tamami, ba teuare i karawa.

10 Ao tai atoñaki ñkami ba tani kairiri; ba ti temana ami tia kairiri, ba Kristo.

11 Ao ane ababaki riki iroumi, ao ane e na riki n ami tia makuri.

12 Ao ane kababakia, ao e na kauarerekeaki iai; ao ane kauarerekea, ao e na kababakaki iai.

13 A na reke kaimi, tani koroboki ma Baritaio, aika tani mamana-te-aba! ba kam bonota uean te Atua nakoia aomata: ba kam aki rin ñkami, ao kam tuki'a akana kan rin iai.

14 A na reke kaimi, tani koroboki ma Baritaio, aika tani mamana-te-aba! ba kam taebai baitaia aine aika a mate buia, ao kam kananau ami tataro ni kan noraki: ma ñaia ae kam na añnaki iai te kabuakakaki ae korakora riki.

15 A na reke kaimi, tani koroboki ma Baritaio, aika tani mamana-te-aba! ba kam kabuta marawa ao aon te aba, ba kam na ana nanon te bekan temana; ao ñkana e reke, ao kam karaoia ba natini Keena ae ai aron ae uoua abakimi ñkai natini Keena ñkami.

16 A na reke kaimi, tani kairiri aika kam mataki, aika kam kañai, Ñkana e kakooua ana taeka te aomata ni karerea maneaban te Atua nako ina, ao akea mwina; ma ane kakooua ana taeka ni karerea korani maneaban te Atua nako ina, ao e bae iai.

17 Kam baba ao kam mataki: ba e ña ae kakawaki riki, te kora, ke maneaban te Atua are tabua te kora?

18 Ao kam kañai naba, Ñkana e kakooua ana taeka te aomata ni karerea te bao ni karea nako ina, ao akea mwina; ma ane ka-

koaua ana taeka ni karerea te karea ane i aoua nako ina, ao e bae iai.

19 Kam baba ao kam mataki: ba e ña ae kakawaki riki, te karea, ke te bao ni karea are tabua te karea?

20 Ma ñaia aei, ane kakoaua ana taeka ni karerea te bao ni karea nako ina, ao e kakoaua ana taeka ni karerea ma bai ni kabane ake i aona.

21 Ao ane kakoaua ana taeka ni karerea maneaban te Atua nako ina, ao e kakoaua ana taeka ni karerea ma teuare maeka i nanona.

22 Ao ane kakoaua ana taeka ni karerea karawa nako ina, ao e kakoaua ana taeka ni karerea baon te Atua ma teuare tekateka i aona.

23 A na reke kaimi, tani koroboki ma Baritaio, aika tani mamana-te-aba! ba kam añaña kabwian ami bai, are te mineta, ao te aneto, ao te kumino, ao kam katuku bai aika ababaki riki n ana taeka te Atua, are te raoiroi, ao te atataiaomata, ao te onimaki: e riai te karaoi baikai, ao te aki kaki baikekei.

24 Tani kairiri aika kam mataki, aika kam raumea te binobinonikai, ao kam oña te kamero.

25 A na reke kaimi, tani koroboki ma Baritaio, aika tani mamana-te-aba! ba kam teboka akun te mañko ma te raurau, ma a on nanoia n te babakanikawai ao n te buakaka.

26 Te Baritaio ae ko mataki, kaitiaka moa nanon te mañko ma te raurau, ba a aonon itiaki akuia.

27 A na reke kaimi, tani koroboki ma Baritaio, aika tani mamana-te-aba! ba ai aron rua ni mate aika mainaina, ñkami; a bon tamaroa aoia, ma a on na-

noia n rii mate, ao n te kamara ni kabanea.

28 Ao ai aromi naba, ñkai kam baka n raoiroi i aomi i mataia aomata, ma a on nanomi n te mamana-te-aba ao n te buakaka.

29 A na reke kaimi, tani koroboki ma Baritaio, aika tani mamana-te-aba! ba kam karaoi aia rua ni mate burabeti, ao kam katamaroai aia rua ni mate ake a raoiroi,

30 Ao kam kañai, Tao ñke iai ñaira n aia boñ ara bakatibu, ao ti aki raonia ni kamateia burabeti.

31 Ma ñaia ae kam boni kaotinkami iroumi, ba nati'a ake a kamateia burabeti, ñkami.

32 Ao kam na kaona baini bai-rean aia buakaka ami bakatibu.

33 Ñkami aika naeta, aika bunia baiba, kam na iraniñkami ni biri nako man te tiriñaki i Keena?

34 Ma ñaia ae N na kanakoia burabeti, ma aomata aika raba-kau, ma tani koroboki nako imi: ao ane kam na kamateia temañina, ao ane kam na tauri'a ni kaibañaki; ao ane kam na kataereia temañina ni maneabami, ao ane kam na kakioia man te kawa teuana nakon te kawa teuana:

35 Ba a na bane ni kaboaki iroumi rara ake a raoiroi ake a katinakoaki i aon te aba, mai mwin raran Abera are raoiroi ao tokina raran Takaria are natini Barakia, are tiriñaki iroumi i marenani maneaban te Atua ma te bao ni karea.

36 E koaua au taeka nako imi, ba a na bane n roko baikai i aon te roro aei.

37 ¶ Ierutarem, Ierutarem, ae ko kamateia burabeti, ae ko karebanai'a ake a kanakoaki nako im, ai bati ra au kani bobotia natim, n ai aron te moa-aine

ñkana e botia natina i ani baina, ao kam rawa !

38 Noria, e tiku ni bikematata batami nako imi.

39 Ba I taku nako imi, ba kam na maña aki norai rimwi, ni karokoa ami kañai, E na karaoiro-aki teuae nako mai n aran te Uea.

MAKORONA XXIV.

Ao e oti nako Iesu, ao e kitana maneban te Atua : ao a nako ina ana reirei ba a na kotokotea maneban te Atua nako ina, ma baina nako.

2 Ao e taku Iesu nako ia, Tiaki kam nori baikai ni kabane? E koaau au taeka nako imi, ba ane e na bon aki tiku ikai te atibu teuana i aon te atibu teuana n aki kabakaki.

3 Aa ñke e tekateka i aon te mauna are Oriweta, ao a nako ina ana reirei ñke a okoro, ao a taku, Ko na tuañira, ba a na roko baikai niñai? ao tera kani-kinaean rokom, ao tokin te aba?

4 Ao Iesu e kaekaia ni kañai, Kam na tarataraiñkami ba a na'ki burebureiñkami aomata.

5 Ba ane a na nako mai n arau aomata aika bati, ao a na kañai, Te Kristo ñai; ao ane a na bureburei'a aomata aika bati.

6 Ao ane kam na oño taiani buaka ma tanuani buaka: kam na tarataraiñkami ba kam na'ki maku: ba ane a na boni bane n roko baikai, ma e tuai n roko te toki.

7 Ba ane a na tei kain te aba teuana n eki'a nako kain te aba teuana; ao uean te uea temana n eka nako uean te uea temana: ao ane a na roko roño, ao aoraki aika kamamate, ao maeiein te aba, n te aba teuana ao n te aba teuana.

8 A a tiba kananokawaki baikai nako.

9 Ao ane a na aña ñkami, ba kam na bainikirinaki, ao ane a na kamateiñkami: ao ane kam na ribaki irouia aomata ni kabaneia i bukin arau.

10 Ao ane a na kabakaki nakon te buakaka aomata aika bati, ao ane a na i kamamane, ao ane a na i kairiribai.

11 Ao ane a na kaoti burabeti ni kewe aika bati, ao ane a na bureburei'a aomata aika bati.

12 Ao ane e a kani mauna tañiran te Atua irouia aomata aika bati, ba ane e na kabatiaki te buakaka.

13 Ma ane nanomaka ni karokoa te toki, ao e na kamaiuaki.

14 Ao ane e na reireiaki euañkerion uean te Atua i aon aba ni kabane ba te bai ni kaotioti nakoia aomata ni kabaneia; ao e a roko naba iai te toki.

15 Ao ñkana kam nora te bai n uru bai ae ribaki, are taekinaki iroun Taniera are te burabeti, ba e tei n te tabo are tabu, (ane taetae n te boki, ao ke' ataia,)

16 Ao akana mena i Iutaia, ao ke a biri nako ni mauna:

17 Ane mena i aon te bata, ao ke' tai ruo n uota nako ana bai teuana mai nanoni batana:

18 Ao ane mena n te nukamotu ao ke' tai okira batana n anai kunikaina.

19 Ao a kananoaña ake a bi-koukou, ao ake a kamamaia nati'a ni boñ akekei.

20 Ao kam na tataro ba kam na'ki biri nako n te tae ni boñ, ao n te Tabati.

21 Ba ane e na bati te kananoaña ae akea arona ma ñke e moa ni karikaki te aba, ao bon akea arona rimwi.

22 Ao ñkana a'ki kakimototoa-

ki boñ akekei, ao a'ki kamaiuaki aomata: ma a boni kakimototoki boñ akekei i buki'a ake a rineaki.

23 Ao ñkana tao e taku nako imi te aomata temana, Noria, Kristo ikai, ke Ikekei; ao tai ira nanona.

24 Ba ane a na kaoti taiani Kristo ni kewe, ao burabeti ni kewe, ao ane a na kaoti kanikina aika ababaki ao bai ni kamimi, ni bureburei'a ake a rineaki, ñkana a konaia.

25 Noria, I a tia n tuaniñkami ñkai a tuai n roko.

26 Ma ñaia aei, ñkana a kañai nako imi, Noria, e mena n te rereua; ao tai nako iai: Noria, e mena i nanon ru aika raba; ao tai iri nanoia.

27 Ba e ura te iti mai mainiku, ao e ota ni wairio; ao ai aron naba rokon Natin te aomata.

28 Ba ike e mena iai te banna, ao ane a na ikotaki iai ikare.

29 Ao i mwin te kananoaia are ni boñ akekei, ao ane e na karo-roaki tai, ao e aki mama namakaina, ao a na baka toitoi mai karawa, ao a na kamaeieiki baini karawa ake a korakora:

30 Ao ane e na kaoti naba kanikinaean Natin te aomata i karawa: ao ane a na bane n tañ kainaonaba, ao a na nora Natin te aomata, ba e nako mai i aon nani ni karawa ma te maka ao te mimitoñ ae bati.

31 Ao ane e na kanakoia ana anera ba a na kataña te bu ae e korakora tañina, ni bota ana koraki ae rineaki man taian añ ake aua, ao mai rarikini karawa ao rarikini karawa.

32 Ao kam na reireiaki ñkai n te taetae ni kaikonaki nakon te biku; Ñkana e ububu mañana, ao ñkana e kariki bana, ao kam

ataia iai ba e a kan te moa ni boñ:

33 Ao ai aromi naba, ñkana kam nori baikai ni kabane, ao kam na ataia iai ba e a kan, ae i rarikini mataroa.

34 E koaua au taeka nako imi, ba e na'ki bane ni mate te roro aei, ñkana a tuai ni bane n roko baikai.

35 Ane e na mauna karawa ao te aba, ma a bon aki mauna au taeka.

36 Ma akea ane ata rokon te boñ arei, ao te aua arei, ao a'ki ataia naba anera ni karawa, ma ti Tamau ae ataia.

37 Ao ai aron ana boñi Noa rokon Natin te aomata.

38 Ba ni boñ ake i main te ieka, ao e amamarake te aba, ao e momoi, ao e iein, ao e inai, ni karokoa te boñ are e rin iai Noa i nanon te ake,

39 Ao a'ki ata te ieka ñke e tuai n roko n uoti'a nako aomata ni kabaneia; ao ai aron naba rokon Natin te aomata.

40 Ao ane a na mena ni nen te aroka uoman te mane; e na uotaki nako temana, ao e na katukaki temana.

41 Ane a na tabe n ii baraua uoman te aine n te atibu; e na uotaki nako temana, ao e na katukaki temana.

42 Ma ñaia ae kam na kamaruruñkami; ba kam aki ata te aua ane e na nako mai iai ami Uea.

43 Kam ata te tia tau-taeka n te bata, ba ñke e akaman ata ana tai te tia ira n roko, ao e kamaruruña iai n tuka uruani batana.

44 Ma ñaia ae kam na katae nanimi: ba ane e na roko Natin te aomata n te aua ane kam taku i nanomi ba e aki roko iai.

45 Ao antai te toro ae kakaonimaki, ae rabakau, ae karaoaki iroun ana toka ba mataniwiia tabouibaina, ni kamarakeia n aia tai?

46 E a kabaia te toro ae e noria ana toka, nkana e roko, ba e tabe iai.

47 E koaua au taeka nako imi, ba e na karaoia ba mataniwin ana bai nako.

48 Ma nkana tao e taku i nana te toro are buakaka, E kikiriarua rokona au toka;

49 Ao nkana e atiba batiboia raona nako n toro, ao e amarake ao e moi ma ake a manih;

50 Ao e a roko naba ana toka te toro arei n te boih ae e aki ukoukoria iai, ao n te aua ae e aki ataia,

51 Ao e na korouaia, ao e na anana ana bai i rariki'a tani mana-te aba: te tañ ao te kekeruatai ni wi iai.

MAKORONA XXV.

Ao uean te Atua, ai aroia tenaun te kibono, ake a anai aia bae n oti nako ni butimaea te tia iein.

2 A ataibai niman, ao a bañabai niman.

3 A uoti aia bae nake a bañabai, ao a'ki ua ba:

4 Ao a ua ba nake a ataibai i nanon aia atiniba ma aia bae.

5 Ao nke e baenikai te tia iein, ao nakekei, a bane n nimatutu ma ni matu.

6 Ao nke e a nukaniboh, ao e karikaki te takarua ae kañai, Noria, ae a roko te tia iein; kam na nako ni butimaia.

7 Ao a bane n tei rake kibono akekei, ao a kauramakai aia bae.

8 Ao a taku nake a bañabai nakoia nake a ataibai, Kamai teutana n ami ba; ba a mate ara bae.

9 Ao a kaekaia nake a ataibai ni kañai, Akea; ba e kawa n aki tau nako imi ao nako ira: ma kam na nako ia tani boba ni kabo ami ba.

10 Ao nke a nako ni boba, ao e roko te tia iein; ao a rini ma naia n te botaki n amarake n te iein nake a tauraoi aia bai: ao e a bonotaki naba te mataroa.

11 Ao rimwi a roko kibono ake raioia, ao a kañai, Te Toka, Te Toka, ko na kaukia nako ira.

12 Ao e kaekaia ni kañai, E koaua au taeka nako imi, ba I aki kinainkami.

13 Ma naia ae kam na kamaruruininkami; ba kam aki ata te boh ma te aua are e na nako mai iai Natin te aomata.

14 Ba ai aron te aomata are kan nako n te aba ae raroa, are we-teia ana toro, n anania ana bai.

15 Ao e anan temana nimaua te tarena, ao temana uoua, ao temana teuana; e anania nako n ai aron rabakauia; ao e a nako naba.

16 Ao teuare ananaki nimaua te tarena, e nako ni bobai ni baikekei, ao e karaka riki nimaua te tarena.

17 Ao ai aron naba teuare ananaki uoua, e karaka riki uoua.

18 Ao e nako teuare ananaki teuana, ao e kena te tano, ni karaba ana mane ana toka iai.

19 Ao i mwini boh aika aki bati, ao e roko aia toka toro akekei, ao e kaeti ana bai ma nai'a.

20 Ao e roko teuare ananaki nimaua te tarena, ao e uoti riki nimaua te tarena, ao e taku, Te Toka, ko ananai nimaua te tarena; noria, I karaka riki nimaua te tarena i rariki'a.

21 E taku ana toka nako ina, E raioiroi; te toro ae ko raioiroi ae

ko kakaonimaki űkoe : ko kakaonimaki nakonġ baġka karako, N na karaoġko ba wini baġka bati : ko na rin i nanoni kġmareirein am toka.

22 Ao e roko teuare aűanaki uoua te tarena, ao e taku, Te Toka, ko aűanai uoua te tarena : noria, I karaka riki uoua te tarena i rariki'a.

23 E taku ana toka nako ina, E raoiroi ; te toro ae ko raoiroi ae ko kakaonimaki űkoe ; ko kakaonimaki nakonġ baġka karako, N na karaoġko ba matani wini baġka bati : ko na rin i nanoni kġmareirein am toka.

24 Ao e roko teuare aűanaki teuana te tarena, ao e taku, Te Toka, I ataġko ba te aomata ae ko titiri űkoe, ae ko anai amaraġke ike ko aki uniki iai, ao ko ikoti ike ko aki kamrara iai ;

25 Ao I maku, ao I nako ni karaba am tarena i an tano : noria, ane iroum am bai.

26 E kaeka ana toka n taku nako ina, Te toro ae ko buakaka ae ko taniűaroti űkoe, ko ata'i ba I anai amaraġke ike I aki uniki iai, ao I ikoti ike I aki kamrara iai :

27 Ma űaia ae e riai űke tao ko aűania tani kabo mane au mane, ao űkai I roko ao I aűanaki au bai ma bakaona.

28 Ma űaia ae kam na ana te tarena mairouna, ao aűan teuare tebwina ana tarena.

29 Ba ane iai ana bai, ao e na aűanaki, ao a na kabatiaki ana bai ; ma ane akea ana bai, ao a na anaki ake ana bai mairouna.

30 Ao kam na tewea nako te toro ae akea manena, nako nanon te ro i ao : te taű ao te kekeruatai ni wi iai.

31 ¶ űkana e nako mai Natin te aomata ma neboakina, ma

anera ni kabaneia i rarikina, ao ane e na tekateka i aon ana ka-intoka n uea ae mimitoű :

32 Ao ane a na bane ni botaki kainaonaba i matana : ao e na karaureia tokorakina ma tokorakina n ai aron te tia kawakin tibu űkana e karaureia ana tibu ma ana koti.

33 Ao ane e na kakia tibu i aűataina, ao koti i aűamainina.

34 Ao ane e na taku te Uea nakoia ake i aűataina, Nako mai űkami akana kam kakukureiaki iroun Tamau, kam na ana te uea are katauraaoaki nako imi mai moani karikan te aba :

35 Ba I baki, ao kam kamaraġkeai : I kanimoi, ao kam kamoai : te iruwa űnai, ao kam akoai :

36 Akea kunikaiu, ao kam kunikaiai : I aoraki, ao kam kawarai : I mena n te bata ni kaikain, ao kam nako iu iai.

37 Ao ane a na kaeka ake a raoiroi ni kaűai, Te Uea, ti noriko niűai űke ko baki, ao ti kamaraġkeko iai ? ao űke ko kanimoi, ao ti kamoġko ?

38 Ti noriko niűai űke te iruwa űkoe, ao ti akoġko ? ao akea kunikaim, ao ti kunikaġko ?

39 Ao ti noriko niűai űke ko aoraki, ke ko mena n te bata ni kaikain, ao ti kawariko iai ?

40 Ao ane e na kaekaia te Uea ni kaűai, E koaua au taeka nako imi ba űke kam karaoi baġkai nakon temana ae moan te manori i buakoia taru aikai, ao kam karaoi naba nako iu.

41 Ao ane e na taku nakoia ake i aűamainina, Nako mairou, űkami akana kam na bon tiriűaki, nakon te ai are aki mamamate, are karaoaki ba nen te riaboro ma ana anera :

42 Ba I baki, ao kam aki ka-

marakeai: I kanimoi, ao kam aki kamoai:

43 Te iruwa nai, ao kam aki akoai: akea kunikaui, ao kam aki kunikaiai: I aoraki, ao I mena n te bata ni kaikaiu, ao kam aki kawarai.

44 Ao ane a na kaeka ni kañai, Te Uea, ti noriko niñai nke ko baki, ke ko kanimoi, ke te iruwa nkoe, ke akea kunikaim, ke ko aoraki, ke ko mena n te bata ni kaikain, ao ti aki akoiko iai?

45 Ao ane e na kaekaia ni kañai, E koaua au taeka nako imi, Ba nke kam aki karaoi baikai nakon temana ae moan te mañori i buakoia aikai, ao kam aki karaoi naba nako iu.

46 Ao e na nako to koraki aei nakon te tiriñaki are aki totoki: ma e na nako to koraki ae raoiroi nakon te mau are aki totoki.

MAKORONA XXVI.

Ao Iesu, nke e a tia n atoñi taeka aikai ni kabane, ao e taku nakoia ana reirei,

2 Kam ataia ba ti ua-boñ, ma e a roko te toa are te riao, ao ane e na kamaneaki iai Natin te aomata ba e na kamateaki n te kaibañaki.

3 ¶ Ao a botaki nkekei, iboña ake a kakanato ma tani koroboki ma aia unimane aomata, ni batani wiia iboña, ae arana Kaiaba,

4 Ao a iañoa Iesu ba a na kamanea n taua ni kamatea.

5 Ao a kañai, Tiaki ni boñin te toa, ba a kawa ni kiriwe aomata.

6 ¶ Ao nke e mena Iesu i Betania, ni batan Timon are te rebero,

7 Ao e nako ina te aine ma uotana te batoro ae te arabata ae kanoana te kabira ae kakawaki,

ao e nurakina i aon atuna, nke e rarikiriki n amarake.

8 Ao nke a noria ana reirei, ao a un, ao a taku, E aera nkai te bakatae aei?

9 Ba e konaki ni kaboaki ni karekeaki bona ae bati te kabira aei n añanaki akana aki kaubai.

10 Ao nke e ataia Iesu, ao e taku nako ia, Kam aera nkai kam nanao te aine? ba e karaoa te makuri ae raoiroi i aou.

11 Ba a bon aki toki ni mena iroumi aomata aika aki kaubai; ma e bon tai toki menau iroumi.

12 Ba e nurakina te ba aei i aon rabatau, ba iriau ni mate.

13 E koaua au taeka nako imi, ba ike e kaotiotaki iai te euañkerio aei i aon aba ni kabane, ao ane e na taekinaki naba iai te bae e karaoia neiei ba kanuriñana.

14 ¶ Ao e nako temana irouia uake teñauni ma uoman, are arana Iuta Itekariota, nakoia iboña ake a kakanato,

15 Ao e taku nako ia, Tera ae kam na añanai, nkana I kamanea nako imi? Ao a tau uan rawatan teniñau te abetara nako ina.

16 Ao i mwin te boñ arei ao e ukoukora ana tai ni kamanea.

17 ¶ Ao i moani boñin te toa are te berena are aki kaburobu-roaki, ao a nako ni Iesu ana reirei, ao a kañai nako ina, E ña te tabo are ko tañiria ba ti na katuraaoa te toa are te riao iai, ba ko na kana iai?

18 Ao e taku, Kam na nako n te kawa nakon te aomata temana, ao kam na kañai nako ina, E taku te Tia reirei, E a kan au boñ; N na karaoa te toa are te riao ma au reirei ni batam.

19 Ao a toua mwin ana taeka

Iesu ana reirei; ao a katauraoa te toa are te riao.

20 Ao ñke' a tairiki, ao e rari-kiriki n amarake ma uake te-ñauni ma uoman.

21 Ao ñke a amarake, ao e taku, E koaua au taeka nako imi ba e ñañ kamaneai temana i buakomi.

22 Ao e bati nanokawaki'a iai, ao a bane ni kañai, Te Uea, ñai?

23 Ao e kaekaia ni kañai, Ane kateboa bainu i nanon te raurau ma ñai, ao bon teuare ñañ kamaneai.

24 E nako Natin te aomata n ai aroni korobokiana; ma e na reke kain te aomata are e na kamaneaki Natin te aomata irou-na! e a kabaia ñke tao e aki buñiaki.

25 Ao Iuta, are kamanea, e kaeka ni kañai, Rabi ñai? E taku nako ina, Ñai a ane ko taku.

26 Ao ñke a amarake, ao e ana te berena Iesu, ao e tataro, ao e tabeutaia, ao e añania ana reirei, ao e kañai, Anaia, kana; raba-tau aei.

27 Ao e ana te mañko, ao e tataro, ao e añania, ao e kañai, Kam na bane ni moi n aei;

28 Ba rarau aei, ae raran te berita nabañkai, ae wawa i buki'a aomata aika bati ba baini kabaran aia buakaka.

29 Ao I taku nako imi, ba I aki maña moi n uan te kurebe aei, ñkana e tuai n roko te boñ are N na nima iai, ñkana e mienai, ma ñkamj n uean Tamau.

30 Ao ñke a' tia n anene, ao a nako n te mauña are Oriweta.

31 Ao e taku Iesu nako ia, Ane kam na bane ni kabañaki nakon te buakaka i buku n te boñ aei; ba e koreaki ni kañai, N na tiri-ña te Tia kawakin tibu, ao ane a na kamaeaki nako tibu ake a nanai.

32 Ao ñkana I a maña uti, ao I a ri moani nako Kariraia.

33 E kaeka Betero ni kañai, Ñkana a bane ni kabakaki nakon te buakaka uakai i bukim, ao I bon aki kabakaki nakon te buakaka ñai.

34 E taku Iesu nako ina, E koaua au taeka nako im, ba ñkana e tuai ni kakaero te moa-mane, n te boñ aei, ao ko boni katenua am kakeai.

35 Ao e kañai Betero nako ina Ñkana tao I mate ma ñkoe, ao I bon aki kakeako. Ao ai ñaia naba aia taeka ana reirei nako.

36 ¶ Ao e nako Iesu ma uake-kei nakon te tabo ae arana Ketetemané, ao e taku nakoia ana reirei, Kam na tekateka ikai, ba N na nako n tataro ikekei.

37 Ao e kaira Betero ma natin Tebetaio ake uoman, ao e a nanokawaki, ao e bati marakin nanona.

38 Ao e taku nako ia, E bati nanokawakin tamneiu, n ai aron te mate: kam na tiku ikai ao kamaruruñinkami irou.

39 Ao e nako riki teutana, ao e kabobaraki matana nako aon tano, ao e tataro ni kañai, Tamau, ñkana tao e konaki, ao e na nako mairou te mañko aei: ma akea au taeka, ane iroum.

40 Ao e oki nakoia ana reirei, ao e nori'a ba a matu, ao e taku nakoni Betero, Ai aroni aei, kam aki kona naba te kamaruruñinkami irou ti teuana te aua?

41 Kamaruruñinkami ao tataro, ba kam na'ki riu n te kaririaki: e boni konamaki te tamnei, ma e mamara te iriko.

42 Ao e kauoua nakona, ao e tataro ni kañai, Tamau, ñkana e aki kona n nako te mañko aei mairou, ñkana I aki moi iai, ao ke' tauaki am taeka.

43 Ao e a maña oki, ao e nori'a ba a maña matu: ba a rawawata mataia.

44 Ao e kitania, ao e a maña nako, ao e katenua ana tataro, n atoni taeka naba akekei.

45 Ao e nako ia ana reirei, ao e taku nako ia, Kam matu nkai ni motiki rawami? noria, e a kan roko te aua are e na kamaneaki iai Natin te aomata nako nanoni bai'a aomata aika buakaka.

46 Tei rake, ti na nako: noria, e a kan teuare nañ kamaneai.

47 ¶ Ao nke e tabe n taetae, ao akea ba e roko Iuta, are temana ironia uake teñau ni ma uomau, ma raona te koraki ae bati, ma kabañ ma batiraku, mairouia iboña ake a kakanato ma aia unimane aomata.

48 Ao teuare kamanea, e añania te kanikina, ni kañai, Ane I kaboria ma ñaia, ao boni ñaia; kam na taua.

49 Ao e nako naba nakoni Iesu, ao e taku, Rabi, ko na mauri; ao e kaboria ma ñaia.

50 Ao e taku Iesu nako ina, Raou, ko aera nkai ko nako mai? Ao a nako ni kaki bai'a i aoni Iesu, ao a taua.

51 Ao noria, e arora baina raoni Iesu temana ni buta ana kabañ, ao e orea ana toro wiia iboña temana, ni korea taniñana.

52 Ao e taku Iesu nako ina, Karina am kabañ i nanoni nena: ba a na bane n tiriñaki n te kabañ akana aua te kabañ.

53 Ko taku ba I aki kona ni butia Tamau nkai, ma e a kanakomai naba taña n anera nako iu aika maiti riki nakon teñau ni ma ua-tana?

54 Ma e na iranaki iai ni kakoauaki te Baibara, are taku ba e riai ba a na roko baikai?

55 Ao n te aua naba arei e taku

Iesu nakon te koraki, Kam nako mai n tauai ma kabañ ma bati-raku, n ai aron tauan te ntarierie? I katoa te boñ ae koraki n tekateka ma nkami n reirei ni maneaban te Atua, ao kam aki tauai naba.

56 Ao a bane n roko baikai, ba a na kakoauaki aia koroboki burabeti. Ao ana reirei a bane ni kitana, ao a biri nako.

57 ¶ Ao te koraki ake a taua Iesu, a kairia nakoni Kaiaba, are wiia iboña, ike a botaki iai tani koroboki ma unimane.

58 Ao e iria Betero n taua ra-roana nakoni batani wiia iboña, ao e rin iai n tekateka ma tabonibai'a iboña, ba e na nora te toki.

59 Ao iboña ake a kakanato ma unimane, ma te Tanirim ni kabanea, a ukoukora bukinai Iesu, ba a na kamatea;

60 Ao e aki reke irouia: ao nke a roko tani bukibuki aika bati, ao e aki reke naba. Ao rimwi a roko uoman te tia bukibuki,

61 Ao a kañai, E taku teuaei, I kona n urua maneaban te Atua ni maña kateia n teni-boñ.

62 Ao e tei rake wiia iboña, ao e taku nako ina, Ko aki ñoñoño? Tera ae a tua nkoe iai uakai?

63 Ao e kainababu Iesu. Ao e taetae wiia iboña nako ina, ni kañai, I titirakiniko i matan te Atua are maiu, ba ko na tuañira nkana te Kristo, are Natin te Atua nkoe.

64 E taku Iesu nako ina, Ñaia ane ko taku: ao I tuañnkami ba ane kam na nora Natin te aomata i mwin aei, ba e tekateka i añatain teuare Maka, ao ba e nako mai n nañini karawa.

65 Ao wiia iboña, e raea kuni-kaina, ao e kañai, E baka n

atua; Ti aera űkai ti taűiri'a riki tani kaotioti? noria, kam a tia n oűo ana baka n atua űkai.

66 Tera nanomi? A kaeka ni kaűai, E buakaka, m'e na mate.

67 Ao a bawarea moana, ao a boia n timoinibai'a; ao tabemaű a boia n nanonibai'a,

68 Ao a taku, Ko na tuaűira, Kristo, Antai ae boiko?

69 ¶ Ao e tekateka Betero i ao i nukan te bata ike baűabaűa: ao e nako ina te teinaine, ao e taku, Ko mena naba irouni Iesu are te I-Kariraia.

70 Ao e kakea i mataia aomata akekei ni kabaneia, ao e taku, I babaűa am taeka ane.

71 Ao űke e nako ni mataroan te bata, ao e a maűa noria naba te aine temana, ao e taku nakoia ake a mena iai, E boni mena teupei irouni Iesu are te I-Nata-reta.

72 Ao e a maűa kakea ni kako-ua ana taeka ni karereanti nako ina, I aki kina te aomata arei.

73 Ao rimwi teutana a roko ake a tei naba iai, ao a taku nako ni Betero, Bon te koaua ba raomia temana űkoe; ba e kaotiko am taku.

74 Ao e karereanti, ao e kako-ua ana taeka ni karereanti nako ina, ao e taku, I aki kina te aomata. Ao e a taűi naba te moa.

75 Ao Betero e uriűa ana taeka Iesu, are kaűai nako ina, Ane ko na katenua kakeau, űkana e tuai ni kakaero te moa-mane. Ao e oti nako, ao e taűi ni korakai.

MAKORONA XXVII.

Ao űke' a tiba iűaboű, ao iboűa ake a kakanato ma aia unimane aomata, a bane n iaűoa Iesu, ba a na kamatea:

2 Ao űke a kabaea, ao a kairia

nako, ao a aűani Bontio Birato are te tia tau-taeka.

3 ¶ Ao Iuta, are kamanea, űke e noria ba e kabuakakaki, ao e raira nanona, ao e a maűa nikiri abetara ake teniűaun, irouia iboűa ake a kakanato ma unimane,

4 Ao e taku, I buakaka űai, űke I kamanea te rara ae aki buakaka. Ao a taku, Tera irou-ura? Ko na taraia.

5 Ao e kamrarai abetara ni maneaban te Atua, ao e nako, ao e a nako naba ni kabaea ro-roana.

6 Ao a anai abetara iboűa ake a kakanato, ao a taku, E aki riai te kaki aikai i nanoni nen ana mane te Atua, ba bon te rara aikai.

7 Ao a iaűo, ao a kaboa aban te tia karao-maűko iai, ba a na tautauaki iruwa iai.

8 Ma űaia are e atoatoűaki te aba arei, ba te aba n rara, ni karokoa te boű aei.

9 Ao e kakoauaki iai are atoűaki iroun Ieremia are te burabeti, űke e kaűai, Ao a anai abetara aika teniűaun, ba bon teuare e atoűaki bona, are a atoűa bona tabemaű irouia natin Iteraera;

10 Ao a aűa aikai ba bon aban te tia karao-maűko, n ai aron ana taeka Iehova nako iu.

11 ¶ Ao e tei Iesu i matan te tia tau-taeka; ao te tia tau-taeka e titirakina ni kaűai, Aia Uea I-Iutaia űkoe? Ao e taku Iesu nako ina, Naia ane ko taku.

12 Ao űke e bukinaki irouia iboűa ake a kakanato ma unimane, ao e aki űoűoűo.

13 Ao e taku Birato nako ina, Ko aki oűo aia taeka aika bati n tua űkoe?

14 Ao űaia e aki taetae teu-tana nako ina; ma űaia are e

bati te mimi iroun te tia tau-taeka.

15 Ao n te toa arei, ao bon aron te tia tau-taeka te kanakoa nakoia aomata kain te bata ni kaikain ane a tañiria.

16 Ao e mena iai irouia temana ae kainaki, ae kakanato, ae arana Baraba.

17 Ao ñke a botaki, ao e taku Birato nako ia, Antai ae kam tañiria ba N na kanakoa nako imi? Baraba, ke Iesu are atoñaki ba te Metia?

18 Ba e atai'a ba a aña ba a bakantañ.

19 Ao ñke e tekateka i aon te bao ni motiki taeka, ao buna e kanakoa te aomata nako ina, ao e taku, Tai mena te aomata are raoiroi: e bati raraomau n te boñ aei n te mi irouna.

20 Ao a kairoroia aomata iboña ake a kakanato ma unimane ba a na bubuti Baraba, ao a na tiriña Iesu.

21 E kaekaia te tia tau-taeka ni kañai, Tera ami taeka? Antai ae kam tañiria n ake uoman ba N na kanakoa nako imi? A taku, Baraba.

22 E taku Birato nako ia, Ao N na irana Iesu are atoñaki ba te Metia? A bane n taku nako ina, E na kamateaki n te kaibañaki.

23 Ao e taku te tia tau-taeka, Ao? ba tera te buakaka ae e karaoia? Ao a kakorakoraia riki n takarua ni kañai, E na kamateaki n te kaibañaki.

24 Ao Birato, ñke e noria ba akea manen ana taeka, ma kaña e kabatiaki riki te kiriwe, ao e ana te ran, ao e teboki baina i mataia, ao e taku, I aki buakaka n raran te aomata ae raoiroi aei: mena iroumi.

25 Ao a bane ni kaeka aomata,

ni kañai, E na mena rarana i aora, ao i aoia natira.

26 Ao e kanakoa Baraba nako ia: ao ñke e a tia ni kataerea Iesu, ao e aña ba e na kamateaki n te kaibañaki.

27 ¶ Ao a kaira Iesu ana tia buaka te tia tau-taeka, nakon te maneaba, ao a botia nako ina tani buaka nako.

28 Ao a tanabaia, ao a kaki te ninira ae uraura i aona.

29 Ao a bira te bau te akanta, ao a katoka i aon atuna, ao te kaibaba i ataina: ao a katorobubua i matana, ao a bainikirina, ao a taku, Ko na mauri, ñkoe ae aia Uea I-Iutaia!

30 Ao a bawareia, ao a ana te kaibaba ni boa atuna.

31 Ao ñke a tia ni bainikirina, ao a buta te ninira arei mairouna, ao a maña karina kunikaina i aona, ao a kairia nako ba a na tauria n te kaibañaki.

32 ¶ Ao ñke a roko i tinaniku, ao a bo ma te I-Kurene temana, ae arana Tinon: ao a tuaña ba e na uota ana kaibañaki Iesu.

33 Ao ñke a roko n te tabo ae arana Korokota, ae ai aron ae te tabo n tabanou,

34 Ao a añana te uain ae kamañiñi ae reñanaki ni menan te kai ae mao ba nimana: ao ñke e a tia ni katoña teutana, ao e rawa n nima.

35 Ao a tauria n te kaibañaki, ao a tibai kunikaina, ni kaiwa: ba e na kakoauaki are atoñaki iroun te burabeti, ni kañai, A tibai kunikaiu irouia, ao a kaiwa nakon au kabaraki.

36 Ao a tekateka iai n tarata-raia:

37 Ao a kaki i etan atuna bol ini bukinana ae kañai, IESU AEI, AE AIA UEA I-IUTAIA.

38 Ao a tauraki ni kaibañaki

uoman te ntarierie i rarikina; temana i añataina, ao temana i añamainina.

39 Ao a kakanikoa ake a ri rarikina, ni katoutou atuia,

40 Ao a taku, Ñkoe ae ko na urua maneaban te Atua, ni kateia n teni-boñ, kamaiuko. Ñkana tao bon Natin te Atua ñkoe, ao ruo man te kaibañaki.

41 Ao iboña ake a kakanato ma tani koroboki ma unimane, a maña kaenaena naba, ao a kañai,

42 E kakamaiu, ma e aki kona te kamaiua. Ñkana tao bon aia Uea Iteraera, ao ke' ruo ñkai man te kaibañaki, ao ti na ira nanona iai.

43 E onimakina te Atua; ma ani ke' kamaiua ñkai, ñkana tao e tañiria: ba e kañai, Natin te Atua ñai.

44 Ao ntarierie akeke a tauraki ni kaibañaki i rarikina, a maña taetaebuakaia naba.

45 Ao e ro aou te aba ni kabeana ma ñke' tawanou, ao e toki n te karua-ava.

46 Ao ñke kaña te karna-ava, ao e takarua Iesu n te bana ae korakora, ni kañai, Eri, Eri, rama tabaketani? ae ai aron ae Atua, Atua, e aera ñkai ko kitanai?

47 An ñke a oño tabemañ i buakoia ake a tei iai, ao a taku, E wetea Eria.

48 Ao e biri temana irouia n ana te oñantari, ao e katibua n te uain ae kamañini, ao e kane-wea n te kai, ni kamoia iai.

49 A taku raona, Tai tikabu, ba ti na matakū, ba tao e na nako mai Eria ni kamaiua.

50 ¶ Ao Iesu, ñke e a maña takarua n te bana ae korakora, ao e mate.

51 Ao akea ba e raeuaki rokini maneaban te Atua mai etana

nako nano; ao e maeiei te aba, ao a tabwenaua atibu;

52 Ao a kaukaki rua ni mate; ao a maña uti rabataia ake a raoiroi ake a matu,

53 Ao a nako man rua ni mate i mwin utini Iesu, ao a nako n te kawa are tabu, ao a kaoti nakoia aomata aika bati.

54 Ao ñke e nora maeiein te aba arei ma baikekei mataniwin are tebubua, ma raona ake a taratara Iesu, ao a bati makuia, ao a taku, Bon te koaua ba Natin te Atua teuaei.

55 Ao a mena iai aine aika bati, aika matakū mai kiraroa, aika ira Iesu mai Kariraia n akoia:

56 Ao e mena i buakoia nei Maria are te I-Maketara, ma nei Maria are tinaia Iakobo ma Iote, ao tinaia natin Tebetaio.

57 ¶ Ao ñke' a tairiki, ao e roko te aomata ae kaubai ae te I-Arimataia, ae arana Ioteba, ae bon ana reirei Iesu temana:

58 E nako ni Birato, ni butia rabatani Iesu. Ao e tua Birato ba e na aña te aba te rabata.

59 Ao e ana te rabata Ioteba, ao e niria n te kunikai ae itiaki, ae te rinen,

60 Ao e kawenea i nanon ana ne ni mate ae menai, ae e kena i nanon te ba: ao e karabinoa te atibu ae ababaki nakoni mata-roan te ne ni mate, ao e nako.

61 Ao e mena iai nei Maria are te I-Maketara, ma nei Maria are temana, n tekateka i rarikin te ne ni mate.

62 ¶ Ao n te boñ are i mwin te boñi ni katauraoi, ao a botaki nakoni Birato iboña ake a kakanato ma Baritaio,

63 Ao a taku, Te Uea, ti uriña te tia bureburea te aba arei, ba e kañai, ñke e maiu, I mwin teni-boñ, ao I a maña uti.

64 Ma ñaia ae ko na tua ba e na kamatoaki te ne ni mate ni karokoa te kateni-boñ, ba a kawa n roko ana reirei ni boñ n iraea, ao n taku nakoia aomata, E a maña uti man te mate: ao ane e na buakaka riki te bureburea te aba ae rinwi, nakon are rimoa.

65 E taku Birato nako ia, Bon iai tan tantani iroumi: nako, kamatoa te ne ni mate n ane kam ataia.

66 Ao a nako, ao a kamatoa te ne ni mate, ni kanikinaea te atibu ao a katikuia tau tantani iai.

MAKORONA XXVIII.

Ao ñke e toki te Tabati, ñke' a bo mainiku ni boñin te uiki te kateboñina, ao e roko nei Maria are te I-Maketara ma nei Maria are temana ni kawara te ne ni mate.

2 Ao noria, e akaman roko maeien te aba ae korakora: ba e ruo mai karawa ana anera te Atua, ao e roko ni karabinoa te atibu man te mataroa, ao e teka-teka i aona.

3 Ao ai aron te iti matana, ao e mainaina kunikaina n ai aron te karau ae matoatoa.

4 Ao a rurubenebene tan tantani ba a makua, ao a riki n ai aroia mate.

5 Ao e taetae te anera nakoia aine akekei ni kañai, Tai maku ñkami: ba I ataiñkami ba kam ukoukora Iesu, are kamateaki n te kaibañaki.

6 Akea ikai; ba e a uti, n ai aron ana taeka. Mai, nora te tabo are e wene iai te Uea.

7 Ao kawaetataiñkami n tuañia ana reirei ba e uti man te mate; ao noria, e ri moami nako Kariraia; ao ane kam na noria iai: noria, I a tia n tuaññkami.

8 Ao a kawaetataia man te ne ni mate ma te maku ao te kima-

reirei ae bati; ao a biri nako n tuañia ana reirei.

9 Ao ñke a nako n tuañia ana reirei, ao noria, e bo ma ñai'a Iesu, ao e taku, Kam na mauri. Ao a nako ina n tau waena, n taromauria.

10 Ao e taku Iesu nako ia, Tai maku ñkami: kam na nako n tuañia taru nako, ba a na nako Kariraia, ao ane a na norai iai.

11 ¶ Ao ñke a nako, ao noria, a nako n te kawa tan tantani temañina, ni kaoti baikekei ni kabane nakoia iboña ake a kakanato.

12 Ao ñke a botaki irouia unimane, ao a iaño, ao a añania tani buaka te mane ae bati,

13 Ao a taku, Kam na kañai, A roko e boñ ana reirei, n iraea ñke ti matu.

14 Ao ñkana tao e roko aei i taniñan te tia tau-taeka, ao ti na raoiakina ni kamaiuiñkami.

15 Ao a ana te mane, ao a toua mwin are a tuañaki: ao e roño-roñoaki te taetae aei irouia I-Iu-taia ni karokoa te boñ aei.

16 Ao a nako Kariraia ana reirei ake teñauni ma temana, nakon te maña are e tuañia Iesu.

17 Ao ñke a noria, ao a taromauria: ma a nanokokoraki temañina.

18 Ao e roko Iesu, ao e taetae nako ia ni kañai, I añanaki te maka ni kabaneaki i karawa ao i aon aba ni kabane.

19 Ma ñaia ae kam na nako ni kakiritiania aomata ni kabaneia, ni babetitoi'a n aran te Tama, ao te Nati, ao te Tamnei are Raoiroi,

20 N reirei'a ba a na kabane n tau baike I tuaññkami: ao noria, I a memena iroumi ni boñ ni kabane, ni karokoa tokin te aba. Amene.

